


KODAK Color Control Patches  
© The Triften Company, 2000  
LICENSED PRODUCT



安徽通志

ル 5  
1575  
64





1575  
14



重修安徽通志卷一百九十

人物志

宦績 十三

甯國府

國朝孫襄字惠可宣城人前明甲戌進士順治甲申授刑科給事中時方用兵諸司決獄多意為輕重襄請議定律令刊布成書為畫一之制遷吏科左給事中請定計典勵官守又嘗請駐防兵毋奪民居前後疏多嘉納甯郡貢黃連非方物也襄力言於操江巡撫得減免三之二郡人賴之志一統

吳六一字聖水宣城人順治丁亥進士授青州司理時兵燹甫定六一馭以寬和以薦遷刑部郎出守福州聞俗市居多垣以竹一日火發幾不能救六一籲天請以身代燄立熄甯國府志

重修安徽通志

卷一百九十

人物志

宦績

一

甯國府



王應臣太平人順治初以貢生官曲江丞升普甯令城邑初定  
焚掠甚慘應臣設計贖難民一百八十餘家蠲除徭役民慶更  
生邑爲樹碑紀其德

太平縣志

胡尚衡字辰玉涇縣人順治壬辰進士授都水司主事時以輦  
轂道狹議撤兩街房屋以廣之尚衡請止去市廛前檐數尺報  
可遷郎中擢浙江提學僉事按臨諸郡進諸生勛以理學淵源  
朝廷典制補湖南參議道盡裁陋規於驛傳鹽法尤悉心規畫  
朔望必詣嶽麓書院講學以老乞休

江南通志  
浙江通志

秦才管字尾仙南陵人與兄仁管同登順治丁亥進士授戶部  
主事升郎中司權蕪湖省苛稅便賈舶擢陝西提學僉事會病  
聞父母喪一慟而絕諸僚斂金歸其櫬仁管字凱人以郎中補  
陝西靖遠道督開墾修城垣與民休息奉裁改大名道後爲蒼

梧驛鹽道歸

江南通志  
甯國府志

洪啟權字玉衡甯國人順治戊戌進士知安福縣清宿逋絕賄  
賂時山民爲亂殺前令上官發卒征剿啟權單騎抵巢賊皆出  
迎曰洪公活我矣令自縛其首餘黨悉安以清直忤大吏歸民  
遮道哭送

江南通志  
甯國府志

洪啟槐字廷植甯國人順治乙未進士知南江縣南江當寇亂  
後居民寥落啟槐巡行閭里徧給牛種民得復業出俸贖民間  
所鬻子女擢戶部主事以練達稱尋出權九江轉郎中仕至貴  
州提學卒於官

江南通志

劉儀恕涇縣人順治十三年知武定州革除里中買喂驛馬及  
錢糧添料解費等項民困大蘇

統志  
東名宦

王辰字象北旌德拔貢任柳州府通判攝府篆地瘴民徭多方



撫馭署來賓縣事奉勘鎮安歸順二土司爭地剖斷咸服調補

山陽知縣招流墾荒救災禦患歷官二十餘年清潔如一甯國府志

崔瑤字玉及太平人順治甲午舉人知襄陽縣革宿弊懲吏胥

減耗息訟興學勸農邑有妖祟驅之不得訴於縣瑤移牒城隍

自責責神是夕妖絕咸謂正直所感甯國府志

阮士鵬號巖山宣城舉人知海豐縣時海寇歲逼瀕海者皆內

徙士鵬晝夜勞瘁葺屋居給牛種民甚賴之碣石衛弁蘇利之

變士鵬詢得其狀密白幕府得豫為備及大師進討芻粟供億

一以整暇應之賊平量移許州治績甚著致仕歸江南通志

劉堯枝字根生宣城舉人署建德教諭勤於課士改建學宮於

城內升廣東清遠知縣縣故衝要屢經兵燹官署蕩然堯枝關

草萊倡建學宮省徭役以寬民力疾歸甯國府志

張金度字旭原宣城舉人授邠州知州邠俗勤儉喜稼穡戶殷

饒金度律身以廉潔為治務教化告歸囊橐蕭然甯國府志

王世美字濟之涇縣歲貢知陽江縣時嶺表初平撫綏有方遷

梧州同知擢桂林守以老請歸士民號送數十里不絕年九十

卒甯國府志

趙善增字公受涇縣人以薦授雷陽推官時巖疆叢勝督餉犒

師釐奸剔弊郡賴以安調肇慶推官改瓊州教授著有兩郡理

言自記其事甯國府志

王奐字賡阿南陵拔貢知奉化縣始至治姦胥之乾沒者設綱

簿詳載里中總數田地山蕩丁口按則科糧瞭如指掌從平舟

山督造戰船經畫有方應期立辦歷知河間府決大獄無株累

曾會讞羣盜獄已具辨其枉出之真盜尋得眾驚為神遷山東



都轉運使卒於官

一統志浙江名宦甯國府志

張鳳徵字威鳳宣城拔貢知陵水縣縣當兵燹之餘撫定流移興復學校政化大行三十九峒聞風嚮化生黎亦無為患者以

卓異徵會卒邑人祀之

一統志

汪觀字容若宣城人順治乙未進士知湘鄉縣下車卽申復廢站蘇驛困興絃誦賑饑民革耗羨冗役令訟者自相勾攝輸稅

者使自兌在任一年以母艱哀毀卒湘人祀之

湖南通志江南通志

張湛逢字清源宣城人順治己亥進士官山西臨晉縣土俗囂漓難治湛逢興利翦弊愛士息民彌巨憇遏亂萌蒞任三載士

民悅服致仕歸民為建生祠祀之

甯國府志

鍾無瑕字缺如宣城拔貢知汜水縣首蠲俸修學宮勤於課士汜俗寢寢向化邑苦里賦不均請於上官以熟地六分荒地四

分為一里併強弱苦樂而均之賦乃平後補富川縣地多盜無

瑕誘致其豪斃於獄境始甯力除賦羨並完前令積逋邑大治

升知光州未任卒

江南通志

梅欽字立生宣城貢生授黃州通判升知崖州請豁免荒米軍屯米各千餘石時用兵後井邑蕭條欽勞來撫循民歸若市在

任七年多惠政尋調大同知府卒於官

一統志廣東名宦

焦鵬字扶九太平貢生知新城縣地當孔道軍興旁午供億浩繁鵬多方支應百姓不擾以勞卒囊橐蕭然邑人購斂歸其喪

甯國府志

譚啟運字翼茲太平歲貢任甯波通判奉檄修象縣城蛟門置礮臺豪有力者多方乞免啟運峻絕之力役維均刻日蕝事兩

攝勤篆羽書旁午總十一郡餉事事無不治遷知茶陵州歲荒



繡羨補救多善政

湖南通志甯國府志

周光啟字旭上太平舉人知遂安縣裁革溢額歲減羨餘五千餘兩民困以蘇當前明時光啟曾叔祖恪曾任是邑有惠政啟

以疾卒官民號泣罷市與恪同祀瀛山書院

甯國府志

焦鼎字玉屏太平人官沂州州同城中地震房屋傾塌死傷萬計鼎捐俸葺其屋助其喪沂人感泣改任泰州值戎事倥偬悉

力捍衛軍興無缺謝病歸

甯國府志

陳兆昇字爾旭太平人以明經知雲南礪嘉縣礪嘉士樸民悍兆昇恩法並用蠶凌潛革民間多竹籬蓬戶兆昇教以版築並

墾闢荒土民甚利之卒於官兆昇少師宣城沈壽民沈蒙難走

數千里迎之歸施閩章方之馬時中之於程伊川

甯國府志

文敦元字良吉涇縣人少與兄啟元共受學於楊廷樞皆以能

文名啟元晚不應試敦元由貢生任廣西懷遠令縣當新關招

徠撫綏遠至邇安

廣西通志

趙如郊字南中涇縣人康熙初官陝西按察副使分巡甯夏兵糧屯田鹽法軍務兼提學僉事在官未久吏民懷之

甯國府志

翟皓原名敷治字羽侯涇縣舉人官婺源教諭訓課諸士人咸謂先生施教必本於不屑不潔而和氣迎人如春風之拂萬物

以故人樂其教既卒婺邑公舉崇祀名宦

甯國府志

王雲龍字雲從涇縣舉人官懷甯教諭訓迪有方顏其署曰鐸隱且和平溫雅如坐春風皖士之無陽鱗躍冶者俱其所默化

也少與溧陽陳名夏相友明季陳以避難來奔雲龍多方庇脫

及登揆遂不肯復見卒於官士人俱哀思之

安慶府志涇縣志

趙時可字考叔涇縣人康熙丁未進士知岳陽縣邑多逋負時



可捐俸不足並鬻衣裝以代償之條弊除奸廉明最著升應州知州乞歸

甯國府志

梅錮字爾止宣城人康熙丁未進士知大甯縣嚴取舍善聽訟戒吏胥不得受百姓一錢吏胥多化之除監察御史疏論漕艘沿途積弊又以鄉會定限太速請展期詳閱並正文體俱允行累遷副都御史巡撫福建

聖祖仁皇帝親書攄誠信三字賜之閩西郭外晉時鑿湖瀦水歲久漸淤歷元明幾為平陸錮按圖經返侵地募民疏濬田廬不憂浸暘舟楫通行又疏請積穀備賑會歲饑便宜平糶民賴以濟撫閩三載凡海邦名勝先賢遺蹟悉加表揚琉球歲貢向有私覲之例卻而不受貢使肖像歸祀官四十餘年未嘗以家屬自隨仕至左都御史致仕歸

一統志 甯國府志 福建通志

王正一太平貢生康熙二年知萬縣耿介自持治行冠一時解任日民遮道留之

四川通志 新增

阮爾詢字于岳宣城人康熙壬戌進士由庶常改御史湖廣以制府兵變議裁總督爾詢疏言楚地數千里兩巡撫分疆地廣勢懸於形勢非便請仍設總督以重彈壓民間輸賦其印票存民官吏或借核查查收票不即給每以無據重征請一切串票並用三聯一貯官一存驗一付民以杜宿弊並允行為順天尹以京師多游學之士請另設籍錄生童時論韙之累官工部左侍郎卒

賜祭葬

江南通志 甯國府志

楊綠字巽居宣城舉人知甯都縣甯都俗頑獷綠撫以恩信民有犯者反覆開導至垂涕民感其德生祠之通判某以事行屬

重修安敬通志

卷一百九十九 人物志

宦績

六

甯國府



邑虐使民民相率擲瓦以詬綠馳諭之眾遙望斂手曰我公來擁馬首羅拜而散以老致仕老穉數千人拈香泣送甯國府志

耿世際字虞賡宣城舉人知東莞縣縣濱海多盜世際撫輯有方盜盡歸農歲徵額賦故有羨金六百餘世際曰此民膏也何忍自肥盡以抵民間積逋每擬重刑輒流涕自責民皆感化致仕歸紳士為刻寶安紀言立碑祠祀甯國府志

方伸字佐平南陵人康熙己未進士由庶常改主事出知登州府歲旱蝗起為文禱於神蝗盡赴東海死郡人立石蓬萊閣以志異調汀州府汀境箐峒阻深峒戶負隅伸單騎往諭皆聽命丁亥夏蛟發水漲衝城齧指血書文以禱城隍水立退尋移疾歸士民送者接踵子士珣有文名雍正癸卯舉人江南通志梁于淇字儀武南陵舉人任崑山教諭捐俸倡修學宮教督諸

生寒暑不懈遷知廣西貴縣革編糧加耗兵米外增水腳諸弊俗喜爭鬪盤踞深阻為奸于淇以德化之俗寢以馴卒於官邑人建祠於南山祀焉廣西通志

黃學懃字敏若南陵舉人秉鐸蒙城日與諸生以文行相砥礪遷費縣知縣除巨猾革宿弊招集流亡開墾荒蕪以卓異升沔陽知州甯國府志

葉兆斗字樞臣涇縣貢生知沁源縣清白自守會開墾令下兆斗以沁源傷殘未久當事休息力請於上官權緩其事民賴以安同邑葉代生亦以貢生知宜都縣以治行聞甯國府志

胡其旦字公待涇縣拔貢知信陽縣政寬刑簡釐弊剔奸時饑饉捐俸倡賑富民由此樂助全活無算鳩工構造講堂選俊秀子弟延名宿教之多所造就遷永甯知州甯國府志



胡岑齡號右亭涇縣舉人知華亭縣適黃河水溢決地數千頃民逃糧欠代為捐賠招徠復墾調維南商河行義倉法歲數歉民賴以濟甯國府志

施雲翔字介城宣城人康熙丁丑進士知德興縣歲大祲捐俸糴穀以賑擢御史河南陝西山西三省商人以中官吞陷資本數十萬伏闕號冤三司勘問從輕議具疏雲翔不署名

上復命雲翔嚴鞫中官陰遣人袖千金請雲翔叱之去按以法旗官某殺仇人於廢事發誣其師雲翔誦知嚴訊得其實冤乃雪歷臺官十餘年剔弊釐奸清績最著以年老乞休甯國府志

湯士蛟字騰九宣城舉人知婺川縣苗蠻雜處地瘠民貧歲饑即發倉賑濟民困得蘇又捐資創書院文教以興甯國府志胡岳齡字又申涇縣人以選貢知金鄉縣歲存饑多方隱卹擢

戶部主事轉刑部山左數百人以墾荒誤犯禁地議置重典岳齡力爭得從寬議升員外郎乞歸甯國府志

胡承謀字貽仲涇縣人康熙庚辰進士知陽江縣地濱海多盜練鄉勇巡緝盜為衰息士風不振以時考校登賢書者始眾署高要篆有豐樂園圩田千頃歲苦潦捐千金築隄得無患至今

稱胡公隄升知福州坐事免復起知湖州府修葺安定書院延名儒訓士城南有淤池為築隄種植以克士子膏火年老告歸囊橐蕭然甯國府志

翟鑄字晞顏涇縣副貢任黟縣訓導訓課士子如家人子弟黟由是人文蔚起升列上學遷邳州學正士皆遠餞泣送弟鐔字龍文以貢任懷甯訓導訓士有方改兵馬司吏目以病歸甯國府志

張士驥字偶韓宣城人康熙癸未進士知靈寶縣有廢瑤驕橫



不法邑人苦之一日士驤方升堂璫由中門入詣堂上似有所  
 關白士驤叱左右麾之璫屹立瞋目口叟叟左右莫敢動士驤  
 怒手扶之投階下立殞民大快以艱歸服除補泰順縣縣故荒  
 僻民居寥寥多方安輯戶口漸增尋攝永嘉溫州守徐涵樂清  
 令張廣居丁艱以虧項不得歸士驤為捐俸轉貸以濟又攝樂  
 清開盤石河數十里調知台州太平以忤上官引疾歸甯國府志  
 後天祐字于萬宣城舉人知溫江縣裁汰舊弊凡民間供帳悉  
 擯不用縣自張獻忠之亂民散田蕪及昇平日久所召墾盡成  
 沃土涎其腴者執舊業爭贖交訖天祐曰向賤鬻以逃賦今欲  
 坐享成利不可訓爭者帖然以病卒民悼惜之甯國府志  
 劉楷字子端南陵人康熙己未進士授中書舍人典試福建稱  
 得人擢給事中疏論督撫保舉學臣及河工保題官員之弊請

杜師巫邪說禁小說淫詞指陳深切

聖祖仁皇帝嘉納允行又密具相臣柄政一疏如奏罷斥輦下肅然擢

通政司參議轉鴻臚寺卿奉

命祭告陝西黃帝以下諸陵屏絕供億還升右通政轉光祿卿致仕杜

門著述置義田以贍族人南陵向為中學引河南葉縣例請諸

當事題改大學邑人德之一統志 江南通志

程天衢南陵貢生授階州同知壤接西番治境遼闊同知署另

設於西固城分理民事天衢蒞任除宿弊賑災荒惠洽黎庶威

警番人以承重艱歸遂不復起甯國府志

萬國號雲坡南陵選貢授知縣改亳州學正與多士相切劘人

文丕振五護州印清操如一日州城延燒千餘家出粟以賑升

鳳陽教授以疾歸甯國府志



施翊甯國舉人知武甯縣清宿弊免漕米餘費縣界連山田畝

混淆翊逐一鱗比釐為清冊一邑肅然致仕歸甯國府志

崔銑字冕先太平舉人知建安縣除蓄牛稅革編審私派民便

之為紀德於碑邑有朱子家廟久圯銑為葺之以母艱歸越三

年建安紳士聞銑壽走數千里製錦來祝銑性孝服除遂守墓

不起甯國府志

梅穀成字玉汝宣城人文鼎孫康熙壬辰由諸生

召入

內廷

賜舉人進士授庶吉士旋授編修少承家學精於歷算

聖祖仁皇帝特書承學堂額

賜之性耿介遠於理學雍正中以御史巡漕通州岸無粒米河無滯舟

世宗憲皇帝特旨獎諭為巡漕法遷通政司參議乾隆初擢順天府丞

歷光祿寺少卿鴻臚寺卿奏升祀有子於堂又奏正一真人不

當廟朝班風采卓然累官左都御史致仕卒

賜祭葬諡文穆一統志

王輔字左星南陵貢生知永和縣縣俗荒陋首崇學校月三課

親為殿最以示鼓勵舊額費從丁派豪強地倍而差不及輔著

令費準地派凡逃亡者俱復業尋病卒邑人惜之甯國府志

梅元南陵人康熙二十一年普甯縣雲落徑巡檢至則編戶口

冊一街一巷必於隘口設柵以街中人司之計戶值宿週而復

始又令各舉老成者名街長使董一街之事月之朔望集紳耆

講誦六箴畢即按冊躬履清查雖窮村荒堡不憚寒暑不計信

宿也涖任三月道不拾遺有訐証者一語即解終元之任雲落



徑無盜賊無涉訟者或餽遺則堅卻曰無德於民安可擾為在任三年以憂歸民至今思之廣東通志 新增

劉運灝字鴻起南陵人光祿楷之子知贊皇縣縣萬山中與晉接壤為逋逃藪舊設戍兵於王家坪兵悍為民病灝威惠兼行兵民帖息徵輸改為條編闔邑稱便上官重其才凡鄰邑捕蝗監賑查視河工悉以委灝所至有聲以艱歸送者道塞甯國府志

劉運鮒字西臨南陵人康熙戊戌進士授檢討充實錄館纂修遷御史巡視南城嚴緝奸匪商民感戴歷工科都給事尋授惠潮海道做刁風除陋習豪猾斂跡後知雷州府清介勤慎以勞

卒官甯國府志

程繩武字念孚太平人康熙庚辰進士知文安縣邑有蝗災親巡隴畔撲捕稼得無害攝保定事值河決食宿河干齋戒泣禱

波平隄立以母老乞歸甯國府志

胡嘉生字會伯太平貢生官武岡州同解餉雲南有勞績在任七載未嘗一事干州牧一錢累州民引疾歸同邑胡文煥字星

若以舉人授中書出知大甯縣悉革陋規攝隰州相城東隅為建文昌樓人文始盛士民祠祀焉甯國府志

陳書字獻惟太平人力學能文尤諳韜略康熙戊午大兵克復滇黔書挾策謁征南大將軍多所贊畫隨選湖廣江華令修濬城池安輯百姓咸有方略歷署曲靖同知時調發旁午書勦撥煩劇不遺餘力以勞卒官年僅三十五甯國府志

胡柏齡字堅仲太平舉人知武平縣邑好訟輕生柏齡愷切理喻積習頓改歲饑請發倉減糶次年又饑奉文採買平糶轉解數千里不辭勞瘁民立生祠祀之因領帑米水溼賤糶虧官坐



免民爭助之尋得釋甯國府志

孫鎬字西涯太平舉人知臨潁縣尋知簡州土司有嫡庶爭立

者擁兵相持命使往即殺之鎬從數騎齎詔往從容詢所宜立

若未嘗有詔者久之益習樽酒招延嫡庶咸與席一日鎬指北

山曰今九日宜登高嫡庶欣然從之方命酌忽一吏曰詔至即

持庶下斬之事平江南通志四

林翹字楚惟太平舉人知平和縣民多積逋翹捐貲代輸民呼

慈父引年歸甯國府志

胡蛟齡字凌九涇縣人雍正癸卯進士由翰林出知興平縣有

惠政擢御史遷戶科掌印給事中主試山東所拔多積學士在

諫垣日值江楚過糶疏乞飭所在督撫嚴行禁止事允行甯國府志

胡承璘字彬仲涇縣人雍正癸卯進士知龍門縣調長垣有石

姓以命案被羅織璘夜分閱卷隱隱聞鬼泣聲追搦管有蟻子

裹筆不能下璘知其冤推究得實乃白釋之邑遭水災護隄賑

粥全活甚眾以卓異歷升沅江府地雜夷獮璘修城建學勸耕

平稅恩威甚著苗民懾服以艱歸服除仍往雲南以道員用署

藩篆旋補鹽副使卒於官甯國府志

葉居仁字存叔涇縣人雍正甲辰進士知雲夢縣邑常患水居

仁濬大小漏罐自劉胡船至城隍港凡三十里按地糾工民不

苦役沮洳盡為沃壤治獄平恕囹圄為空升武岡知州苗獠雜

處先諭苗長守法供租有爭訟即委處分不服則上之州平其

曲直咸奉約束州饑詳請發穀平糶因病請解官不許竟卒於

任州人廟祀之甯國府志

阮維璋字愚如宣城人初任湖北布政司經歷以艱歸起補廣



西雍正中出西古州剿叛蠻奉檄餉軍者再旋奉委犒降苗躬  
歷塞落周悉無遺尋攝甯明州州多虎患爲文籲神不旬月而  
獲五虎患遂息遷知賓州地多瘴癘維璋知醫給藥多所全濟  
致仕歸甯國府志

梅子搏字健飛宣城人雍正時舉孝友端方知樂恩縣調易門  
苗民雜處素稱難治搏寬猛得宜俗用丕變適鄰邑有武舉施  
文恭謀逆聚苗萬餘窺伺城郭闔邑震動搏親率民兵往擊命  
其子夜行四百里赴省請援兵未至逆首就擒復繕城浚隍爲  
善後計尋以詿誤歸復起爲易門未任卒甯國府志

劉芳藹字濟美宣城人雍正丁未進士由福建仙游知縣歷禮  
戶科給事中至湖北按察使官御史時集經史爲十箴以進請  
展會試期於三月酌定儲倉採買以備荒政及奏刑名應變通

者八條皆中事理司臬三年獄無滯囚丁母憂歸卒一統志

趙必詵字文振涇縣貢生知唐山縣捐修文廟建北麓書院以

造士居心寬厚而賞罰必信三年獄幾空以艱歸服闋起補廣

東龍川歲祲賑卹民沾實惠調博羅又以艱歸遂卒甯國府志

趙知希字太音涇縣舉人考取中書出知館陶縣時連歲旱澇

請於上官得借賑停徵閱歲例徵借穀知希以民氣未復捐賞

代償邑孝平兩堡地不毛而賦如故又正糧外另立催糧戶以

地荒無著催首賠完適奉文丁歸地畝遂請均攤民累永除調

奉新有巫假神惑民焚其神杖巫逐之在官九年風教大治民

爲立祠調貴溪傾城祖道車馬不得行升晉州知州甫抵任以

艱歸遂不出甯國府志兼採御史

吳兆龍涇縣舉人考取中書出知漢陰縣歲歉捐俸賑饑上官



察其能調攝興安州卒於官

甯國府志

胡之棟字元馭涇縣歲貢歷天長懷甯教諭擢知新安縣有命

犯仇誣數十人廉得其情盡釋之時有胡青天不要錢之謠卒

於官

甯國府志

朱光鏞字殿英宣城人以國子生從水利營田効力議敘選東

光主簿升三角淀通判歷順天府北岸同知以忤總河某意左

遷浮沈丞倅數年因與同官謁總督方觀承議興濟減河事方

大驚異委董其事功成擢河間府同知自是凡遇險要工卽非

所轄亦藉其襄理遂以積勞卒官

光祿卿王鳴盛所作墓誌

吳晷字曉昇涇縣人官建甯同知捐俸建紫霞書院給膏火以

育人材旋攝府事有奸民杜奇等盤踞三廟潛謀煽誘密捕就

擒民用安戢以疾歸

甯國府志

鄭景字曦南涇縣舉人知富民縣時方嚴緝白蓮教株累甚眾

景平心鞫問盡釋其波及者有嫌壻貧賴婚致訟詢之女得其

情以鼓樂昇歸貧家闔邑稱快調思安縣縣未設學統於郡景

先捐俸爲義學延名師以教乃詳請立縣庠升路南知州邑父

老爲建遺愛坊於邑大堂

御史趙青藜所作傳略

胡擇先字慎于涇縣舉人知武城縣捐俸創建絃歌書院邑人

頌之調荷澤邑多盜練捕懸賞盡獲之河決徙災民城內並力

築隄發粟撫恤民大安以疾歸

甯國府志

蕭學書字麟玉涇縣舉人知膚施縣能以德化卒於官郡守憐

其清貧捐資賻助櫬始歸

甯國府志

詹彬字舜輯宣城人雍正時舉賢良方正知印江縣以德化民

民不忍欺苗民旋服旋叛撫軍以彬督軍務捧檄卽行苗亦相



戒勿犯事平調安化有郡吏橫索苗民規例彬執而杖之邑有  
富豪豔某氏女與女母通謀殺女所字夫事發郡欲坐女彬廉  
得其情卒直其事升武定府同知以老歸甯國府志

崔龍雲字雨蒼太平人雍正時舉孝友端方知諸暨縣建義學  
代完逋賦攝海鹽修石塘垂成調海甯時塘功方興悉心規畫  
勞劇胥治邑有湖田不便民龍雲詳請照民田定課宿累頓縲

歷署南河各廳事升運河通判卒於官甯國府志

郭大驛旌德人任鶴山縣藥逕司巡檢羣醜竄匿乾隆三年夏  
西潦颶風衝擊古勞圍陞幾陷披笠冒風雨率鄉人力禦之卒  
無虞上官嘗因私繫人知其無辜輒釋去卒後貧不能斂民醵

金助之有十數人裹糧送櫬至庾關而後返者一統志廣東各宦

吳瑞字舜班南陵人知連城縣連俗生女不舉幼男殤以貽犬

豕瑞嚴禁之調武平愚民每食斷腸草自殺瑞命人掘其根一  
石十金民德之為立生祠升延安知府延有三邊其定靖二邊

兵餉就近徵收會有題歸州縣者瑞為籲請得如舊遇事有便  
於民者皆力爭得之又捐修尊經閣置祭器新韓范祠建邑東  
橋延民感頌帥府委攝榆林道辦軍需聞關盡瘁入為禮部員

外郎以父老告歸甯國府志

劉攜字杓龍南陵舉人知江川縣地震水湧村舍蕩析攜計口  
賑粥急請發帑生死皆得蒙惠學宮為水所漂重建之於城內  
歷晉甯新興二州奉檄讞巨獄全活二千餘人卒於官士民泣

送江川人立石紀績甯國府志

江日安字又安旌德人由吳江訓導擢知廣源縣邑有飛仙鎮  
地為豪右所佔訟久不決繫累死者甚眾日安廉得其情置豪



於法以其地置義學延師課士文風丕變歷攝昭化蒼溪皆有  
惠政廣源人建坊曰嘉陵遺愛甯國府志

胡承鑿字廷揚涇縣人乾隆丁巳進士知襄陵縣有惠政升平  
度州知州境濱海為開渠蓄洩民無水患嚴行保甲盜無所容  
丙子分校鄉闈聞州大雨旬餘急白上官自闈中出星夜馳歸  
田廬漂沒為請發粟賑濟歷升重慶府知府尋為辰州府知府  
歷長沙岳州護辰沅永綏道致仕歸甯國府志

翟思漢字漢升涇縣人官南昌府同知時修豐城圩日役數千  
人捐資廩給三月告竣人稱翟公隄卒於官甯國府志

胡粵生字南屏涇縣舉人歷知蕭山縣嚴治竊賊昏夜無恐調  
黃巖縣濱海巡兵誤以商船為盜鞠治平反全活甚眾升濱州

知州未之官卒甯國府志

梅予援字繩波宣城人乾隆壬戌進士官徐州教授徐故州治

貢一人援力請於使者得從府例貢二人值歲祲上官知其廉  
幹檄理荒政躬親卹隱全活甚眾復奉檄濬獅子山柳園諸湖

以勞卒官子立本乾隆丁丑榜眼官終廣西學政甯國府志

張汝霖字芸墅宣城人雍正乙卯拔貢廣東知縣歷河源香山  
捕倡亂者寘法免荒埔報升之稅修城南羅婆陂禁豪家曲防

署徐聞民不習耕作無婚嫁禮汝霖揭示部頒勸課十則定婚  
啟庚書式委監英德長岡廠陳三大綱二十條目並極言商戶

折閱之苦事得施行停七縣開採銅鑛攝澳門同知奸民賴鐵  
甲乘夏旱誘眾搶掠汝霖遣幹力擒數人論如法丁憂歸起補

陽春調香山修宋張世傑墓仍權澳門同知自前明西洋人錯  
居其地以番僧總領行天主教其後又別立唐人廟以招內地



民汝霖手檄渠目剖陳利害隨往諭之夷人抱足感泣鐫廟誓  
毋背約因實授澳門旋以事鐫級歸卒著有澳門紀略詩文集  
三十卷政績五十卷以子燾

贈中憲大夫翰林院侍讀 甯國府志 新據 姚鼐文集增修

陶熺字熙文南陵人乾隆壬戌明通榜以薦知保定縣調順義  
恭逢

駕幸灤河先一日雨水壞橋需費甚急吏為假得千金熺詢知出自有  
案之家亟還之曰吾甯以悞公干吏議其有守如此後歷江西  
東鄉樂安金谿諸縣興學校建義倉決訟無滯民甚德之 甯國府志  
胡筠字貧谷涇縣舉人歷知青谿縣調內黃兼攝衛輝通判事  
時儀封口溢民多漂蕩捐俸賑救全活甚眾引疾歸卒年八十  
六 甯國府志

鄭居中字心初涇縣舉人任來安教諭擢知府谷縣新學宮創  
書院縣舊無志為創輯之嘗署綏德州開鑿西城外數省孔道  
州民書鄭公衢三字鐫崖紀績署永壽地苦乏水搜得宋呂大  
防惠民泉故蹟濬復如舊府谷有宋折克行嗣祚二墓永壽有  
漢婁敬陸賈唐安金藏墓皆修葺之禁樵牧卒於官士民為建  
坊立碑頌之 甯國府志

葉逢時字行可涇縣貢生授黃州府通判攝隨州知州舊有陋  
規銀數千逢時盡革之解任日士民送者無不流涕復任黃以  
疾歸黃人至今思之 甯國府志

胡世科字希哲涇縣人乾隆丁巳進士知始興縣歲祲饑民聚  
鬪世科反覆開導始泣散歷任三載介節不阿眾嚴憚之以忤  
上官意罷歸 甯國府志



孫廷相字省南宣城人初捐中書科中書選授貴州石阡府地多竊盜懸格緝捕姦宄漸消葺文瀾書院延師教士乞養歸終喪服除赴黔需次時蜀有囑匪餘黨未獲邏卒越境搜緝輒指徒販為逋賊株連相屬廷相奉檄按問多所全宥上官初疑其寬縱既乃信其平允補都勻府會旱疫捐廉平糶備藥給棺又修邑柏子橋民不病涉以勞卒官

甯國府志

駱大俊字甸方宣城人乾隆丙辰進士知沂水縣緝獲鹽梟五百誅其首惡十餘人遷知河南睢州逆賊王掄之亂株連數千人  
大俊奉調赴山東訊辦究實原情多所全活調雲南宣威州時會澤縣銅廠爐戶逃散者三百餘家大俊察知賠累之由力請省臺免捕增值積困以蘇遷山西鹽運同知卒於官

甯國府志

趙望齡字秀南涇縣人知鄧州鄧俗商賈交易權衡斗量必納規例於官酌定後始通行望齡至盡革之州人立永助碑志其德以艱歸服除補蘄州其治績一如鄧云

甯國府志

翟禮字孔問涇縣人知陸豐縣係分海豐新置草創未定洊任十載修學宮建義塾立社倉教種植鑿井築城規制井井告歸日紳士條刊善政名之曰集愛錄

甯國府志

朱梓字維恭涇縣舉人知彭山縣時征緬甸以轉餉功調資陽攝茂州天全州雜谷廳兼理番府同知所至以循良稱以艱歸渡江舟輕取石數十石鎮之時有兩袖清風一船白石之語傳為美談服除補黃安歷漢陽監利調保定卒官

雙塵談甯國府志

胡啟楷甯國進士乾隆三十五年知樂山縣廉而有恩其慈祥蓋由性生嘗言樂山百姓燈草可束何忍苛之積勞成疾解任後寓郡窶甚民供薪米蒸若在官旋卒眾為醮賻以歸其喪

甯國府志



通志 新增

張鍾琬字碧涯太平人乾隆丁丑進士知武安縣俗悍好械鬪  
輒中重傷鍾琬痛懲惡少數人始震懾又娶不避同姓父母喪  
婚嫁自若鍾琬教以禮義俗漸革免車役減官媒牲畜諸稅善  
政甚多卒官歸櫬士民焚香泣送直至邯鄲境上甯國府志  
翟槐字公樹涇縣人乾隆乙未進士官編修充

國史館纂修戊申典雲南試所拔多知名士擢御史巡視北城宵  
小斂迹出守楚雄府值旱疫積精虔禱雨沛沴消郡人呼為翟  
佛子捐俸葺鳳山書院延師督課科第鵲起維西獐獐嘯聚制  
府帶兵往剿屬槐運餉做義倉法勸輸軍儲不乏以功當遷會  
疾卒甯國府志

劉祖佑字念貽南陵人援例任浙江運副歲祲發鹽義倉賑濟

全活甚眾奉檄經理江湖水利奉葑輦淤湖流深暢闢去灘蕩  
八百餘畝增漑仁和海甯田二千頃調署玉環同知懲悍兵定  
議讞軍民帖服島嶼肅清辛未壬午恭逢

鑾輅時巡兩次引

見蒙

恩賜貂皮內緞荷包歷攝金華諸邑卒於官甯國府志

沈寅字芝珊涇縣舉人知望都縣捐資設立書院文教以興調  
邯鄲升知蔚州卒於官甯國府志

潘成章字達夫涇縣舉人知金鄉縣攝萊州同知有夜攜金求  
見者峻卻之曰吾不敢忘楊氏四知之戒也告歸日囊橐蕭然

甯國府志

汪灝字從止旌德人援例知陝西耀州漆沮水漲壞護城石隄



捐資重築並於濠外增築十餘隄公帑不虧民亦忘役其他如  
修州志葺崇聖祠增文正書院膏火俱有成績歷攝鄜州綏德  
同官藍田等處以勞卒官甯國府志

翟繩祖字昭甫涇縣人乾隆甲辰進士官池州教授訓迪啟誨  
甚得士心捐俸修明倫堂又請於守改建試廳重造城南通濟  
橋凡有利於士民者悉為之告歸池人攀轅泣送既沒為請祀  
於名宦者再貴池縣志甯國府志

胡錦字翽佐旌德舉人署泗水縣時有割辦妖中之者多死有  
司購捕吏縛游僧通臬到縣錦察其枉請釋之郡守不可別檄  
鄰邑詢問獄成上之傅相國定讞如錦議遂以明慎稱補禹城  
會大水以築隄墜馬乞休百姓感泣起知平原有偽稱貴近出  
察事者錦疑之廉得偽造印信事擢同知借補東平州以累歸

蒙

恩與千叟宴

賜資甚渥卒年八十甯國府志

鮑西字協卿旌德舉人由教職薦知湖南龍陽縣汰冗役清訟  
牒攝長沙同知值苗亂採火藥運糧餉崎嶇五谿八桂間事皆  
先期集會興甯上下十二峒猺爭地幾蠢動檄攝縣事恩威並  
用猺人懾服解散以老乞歸卒年八十甯國府志

左暉字鳴九涇縣舉人知東阿縣城西蘇家橋當東北孔道山  
水衝毀暉捐資重建民免病涉又嘗捐修明倫堂卒於官士民  
惜之甯國府志

胡振字鵬九涇縣人由當塗教諭內升京衛武學教授充律學  
淵源繕修官攝知福泉青浦兩縣事以循良稱卒於官甯國府志



胡林謨字範周涇縣人官湖北布政司理問署宜昌同知協辦  
金川軍餉有勞績攝嘉魚縣事歲饑請發帑賑濟嘉民感之調  
南漳告歸甯國府志

胡承梅字庾南涇縣人官定番州羅斛州判五攝縣事左遷永  
康州吏目嘉慶二年泗城苗亂委辦站務尋調入大營督辦船  
筏勞績甚著卒於營奉

旨賜卹甯國府志

鄭珮莊涇縣人乾隆中知石門縣喜作育人材每屆科試舉行  
賓興禮復多所餽贐以示鼓勵石門縣志

吳芳培字霽菲涇縣人乾隆甲辰進士選庶常授編修嘉慶初  
歷侍讀典試四川時教匪蔓延秦蜀遂駐河縣為畫城守事宜  
賊遞兼程進事訖還京具奏匪情江南通志

上深加哀諭明年督學河南秩滿入都遷右庶子累擢詹事府詹事督

順天學政升內閣學士兼禮部侍郎知貢舉再任順天學政擢  
兵部侍郎歷吏部侍郎都察院左都御史署吏部尚書以事左  
遷兵部侍郎復歷署左都御史充庚辰會試副總裁尋調兵部  
左侍郎道光二年蒙

恩以原品休致歸甫兩月卒涇縣志

朱理字燮臣涇縣人乾隆丁未傳臚選庶常授編修嘉慶元年  
出為衢州府知府革陋規治豪猾遷興泉永道駐廈門有艇匪  
六舟突至理發礮擊破其二船生擒七十餘人賊始遞升浙江  
按察使溫州民莊以涖抗糧聚眾馳往縛之一邑帖然升山東  
布政使入為光祿寺卿署左副都御史超擢刑部右侍郎轉左  
侍郎屢奉



命往讞直隸河南參奏各案皆得實授江蘇巡撫先是前撫章煦密陳

虧帑情形理上言欲綜核得實惟在截流以清源

上嘉其一語包括又疏請控案早結一日即百姓少受一日之累又請

海門廳專立學校皆如所議行復

召入為內閣學士旋授刑部右侍郎調倉場侍郎甘肅虧帑事覺使往

治其獄據實參奏

上嘉其公正旋酌擬追補虧空章程五條

上是之復授刑部右侍郎尋授貴州巡撫嘉慶二十四年卒於官理嘗

主順天鄉試分校鄉會試各一所得皆知名士涇縣志

吳昌齡字季卿涇縣優貢教習授東臺訓導中乾隆己酉舉人

久任東臺整飭學校士皆相率師之嘉慶乙丑丙寅邑大水承

辦賑務監粥廠盡心經理民得實惠以保薦離任百姓焚香跪

送會成戊辰進士選庶常改吏部稽勳司主事升文選司員外

以勞卒官未竟其用士論惜之東臺祀名宦涇縣志

朱德懋字子簡涇縣廩貢遵例授員外補虞衡司升郎中出知

南甯府知府裁陋規清積案南甯大盜李姓者屢承屢翻最後

德懋奉委覆訊遂俯首服人問其故曰朱公以誠待人不欲欺

之耳上憲美其才屢署左江兵備道卒於官父老皆為流涕涇縣志

胡士程字雲九涇縣人乾隆乙酉舉人揀發直隸歷任九州縣

案無畱獄初任行唐值歲饑捐廉設粥以賑全活無算在阜城

差務殷繁向用牛驢車輛俱出民間為捐俸造車以備運送人

稱胡公車以病歸卒年八十四涇縣志

吳濬字禹功涇縣人乾隆己亥舉人初任邵武縣剔弊除奸振



興文教邵武本衝途濬不肯以差役煩民遂致虧欠賴士民力為補苴始得脫然無累及任羅源奉委採買倉穀毫不累民乞休歸卒年八十六子鴻裁以舉人知鄖縣時陝西小醜跳梁鄖故接壤力請提鎮道府駐鄖防堵設法措餉寇警始息奉委採辦滇銅以勞卒於雲南

涇縣志

趙雷生字孟侯涇縣拔貢以教習揀發貴州歷署開泰青溪遵義知縣遵義淹獄百餘不半月剖決殆盡捐俸修理考棚並置坐號千餘以抗直不肯為郡守屈幾獲譴旋請代去遵義民具呈保留者千餘人布政使百齡問趙令到任纔數月何德及汝曹而至此皆對曰六十年無此好官矣移署鎮甯州知州以母老引疾歸

涇縣志

王泰雲字春穀南陵人以四庫館膳錄議敘授貴州貴定縣典

史丁艱歸會銅仁苗變檄至軍營辦事以功補雲南麗江井鹽大使又以隨軍平定川匪功升合江知縣加知州銜調成都省徭役修學宮歲荒捐賑全活難民無算晉敘永直隸同知以呈誤去旋准開復發奸摘伏吏畏民安署雅州知府卒於官

南陵縣志

吳斌涇縣人祖蕙田有文名官中書劉相國壙亟稱之斌官饒州府知府修學宮葺芝陽書院厚給膏火振拔寒峻皆捐廉為之

涇縣志

吳豹文字蔚南涇縣人官大理府通判弭盜有方境內肅然灑渡數水災為築隄以資捍禦得膏腴數千頃攝祿豐事聽斷稱神明歸里後士民懷之

涇縣志

吳廷芳涇縣人以河南司員外郎出為嚴州知府察吏安民人不能欺衢州苦旱奉札查勘親歷鄉井不假手於吏胥故嚴衢



二屬頌聲載道涇縣志

吳濤字瀉夫涇縣人官福建興化府通判莆中大旱屢禱不應濤齋戒虔祈早設壇而夕大雨人謂吳公雨以廉能委辦軍硝備極勞瘁差竣遂以疾乞歸涇縣志

胡元淦字寶泉涇縣人遵例分發廣東署曲江縣丞嘉慶乙丑韶州兵變眾無敢往諭者元淦星夜踰城直入其營撫以溫語曉以利害皆感悟解散去擢署翁源縣事以勞卒官涇縣志

朱格字壽平涇縣人以戶部郎中授四川嘉定府知府政簡刑清能持大體犍邑鹽廠工匠為竈戶挾隙誤控吏捕之急遂停煎抗拒蠶聚數千格聞兼程赴之先出示安民單騎直入深山剴切開導眾皆感悟解散歸竈又擒治妖民陳三安輯成都兵變但請以首犯正法調攝綏定府繩治土豪張在芳罪一郡晏

然凡所歷任皆振興文教畱心造士以兄佩病故哀戚遂引疾歸士民懷之涇縣呈冊舊志 祀名宦據涇縣新志增以上舊志

孫源潮榜名元瑄字達孚宣城人乾隆辛丑進士仕至海州知州初知寶應縣教養兼施遷高郵州立義學賑卹水災捐設粥廠施醫藥民甚感之致仕歸道光三年高郵大水難民逃荒至宣城過其門焚香高呼孫青天後重宴瓊林奉

宣加知府銜卒年八十六宣城縣志以下新修

朱一慊涇縣舉人歷官廣東開建直隸東安江蘇安東泰興江西石城湖口知縣治績最多尤著者石城築隄濬河通舟楫利甚溥縣人稱朱公隄建朱公祠於隄上隄側育嬰堂亦一慊所捐造並置田畝為育嬰經費每歲值一慊生辰士民及育嬰堂所長養者必至祠祭以所遺衣冠出游涇人朱姓過此隄者祠



內必畱宿授餐輿送出境其遺愛在民如此卒年八十餘

江西石城

涇縣志

崔之煒字翼書太平舉人嘉慶時浙江知縣歷任桐鄉永康平湖富陽武義有惠政攝紹興海防同知賑荒愛士頌聲大作道光初任餘姚案無積牘民咸悅服以老乞歸圖書外無餘物

太平

縣志

李宣範字君式宣城人祖籍旌德由供事選山西孟縣芹泉驛丞嘉慶十八年河南滑縣之役檄往巡徼有捕難民為賊者凡百餘盡釋之升江西南昌縣丞卻老民堂歲費又選直隸房山縣丞歲饑吉陽村人告變以百役往得首犯歸且請賑變遂弭嘗佐天津府決獄閩廣市舶鬪有詐死者穢其尸宣範察其脈叱役曰是既死當速火之其人驚起伏罪尋升密雲知縣辦賑

旱饑逃亡漸復倡建書院義學隨有舉於鄉者徙寶坻飛蝗隨

河水出境歷知通涿兩州超授松江府知府以疾歸在籍亦多

義行

宣城縣志  
梅曾亮文集

王文苑字墨林太平舉人嘉慶閒任雷州府知府濬河道開水利購經史存雷陽濟元遂良諸書院並助膏火先後捐廉撫卹風災疫禳活人無算府人立生祠祀之調甘肅平涼府以養親歸卒家

太平縣志

趙祖慶字蓀元涇縣舉人河南知縣歷署湯陰延津安陽補襄城苦徭役繁重永遠裁革莠民為閭閻害者繩之以法決獄明允有趙青天之稱卒官士民樹碑祠祀焉

涇縣志

張應揚字侶衡太平舉人官祁門教諭有治狀保升知縣署甘肅岷州知州勤於聽斷振興書院以運銅議敘升授雲南興州



知州調阿迷州俱有聲引年去官

太平縣志

胡世壩字崇垣涇縣人嘉慶辛未進士官江西吉水知縣緝捕

盜首解散餘黨境內肅清蒞官數年潔己自持時有吉水縣祇

飲吉水之頌著大學心得錄二卷

涇縣志

潘錫恩字芸閣涇縣人嘉慶辛未進士授編修學問淵懿尤究

心水利道光初年南河因借黃濟運致裏揚運河受淤糧艘梗

阻錫恩以待講學士條陳河務事宜奉

旨以道員發往南河擢江蘇淮揚道六年以三品頂戴為南河副總河

是時黃運隔絕錫恩用斛水通船之法建議倒塘灌運漕船由

運渡黃無阻入為光祿卿歷左副都御史兵部吏部侍郎二十

三年再任南河河道總督兼署漕運總督宣防修築務權緩急

無冗費亦無廢事先後在任十載無河患清淮士民稱頌不衰

二十八年以病回籍迭次募勇辦團捐助軍餉急公之誠數十年如一日同治丁卯重宴鹿鳴

加太子少保銜旋卒於家同治七年五月

賜諡文慎政績事實宣付史館立傳祀鄉賢祠

史館鈔傳 張之萬奏案 涇縣志

崔墳字任菴太平縣人嘉慶戊辰副貢庚午

召試舉人由內閣中書授山東濱州知州崇學校建義塾懲暴安良尤

善治獄道光初調高唐地當衝多役牛車墳請豁免設法賑饑

時稱賢父母升直隸順德知府未赴卒墳事親孝居鄉以義行

聞

太平縣志

翟發宗字述菴涇縣人嘉慶己卯進士由主事洊升郎中揀發

雲南知府署昭通時川匪偪金沙昭通北境震動發宗嚴守備

撫難民輿情乃定又懲健訟革陋規為時所稱補大理卒官



縣志

杜啟豐字晴川太平舉人甘肅知縣道光六年任合水勤聽訟  
建書院周貧士有皮商喪貲如數追給商以金謝卻之曰追償  
本縣官分內事且合水產皮不使遠商裹足吾民生計裕矣何  
謝為六載卒官士民泣奠有遠送至陝境者

太平縣志

張維翰字墨林涇縣人河南知縣署光山商邱汝陽皆有聲游  
升彰衛懷道兼理黃河六載安瀾軍興帶兵防剿有功捐餉銀  
五千兩加運使銜

涇縣志

呂偉庚旌德舉人選山陽教諭受業百餘人多以文學政事顯  
道光戊申兩淮水災檄委賑饑以廉能稱母憂歸服闋任太和  
訓導委辦團練咸豐八年捻匪偪城登陴守禦五閱月以功保  
內閣中書積勞卒官

旌德縣志

旨幫辦甯國糧臺並總理灣沚協防局供應鴉山大營餉米積勞卒

陶士霖原名青芝南陵人道光壬午進士選庶常散館禮部主  
事洊升給事中出為溫處道擢長蘆鹽運使咸豐七年奉

南陵縣志

查炳華字瑤圃涇縣人道光壬午進士浙江知縣歷署安吉蕭  
山補平陽疏濬水患建考棚修學宮捐升湖北道歷署安襄漢  
黃鹽糧各道又署按察使督修隄工捐置歲修田畝率屬捐建  
育嬰堂撰訓俗格言刊行卒

涇縣志

翟奎光字墨卿涇縣人道光壬辰進士廣西知縣署永甯州督  
捕蝗蝻淨絕補雒容縣地當衝衢猺獞雜處匪徒溷跡乃嚴保  
甲置巡船水陸肅清又設義學捐助書院膏火士民德之卒祀  
永甯雒容名宦祠

涇縣志



項瀛字仙洲太平附貢道光三年以通判署雲夢知縣捐廉築隄改授雲南石屏知州歷署州縣皆有聲時回部構釁官兵捕平民百餘人瀛獨平反之升署普洱府父憂歸起補四川劍州知州擢山東濱樂運同屏絕餽獻改知府告歸道卒襍被外無餘物親戚助斂焉

太平縣志

胡澤沛字毓林涇縣人湖南武陵籍由舉人大挑浙江知縣補浦江憂歸起署平陽擒劇盜蔡光照補象山督兵擣漁山賊巢調山陰解散獨山羣盜擢東塘海防同知署湖州府知府洊署金衢嚴道時甯國府陷扼堵四安籌濟軍餉咸豐十年專辦漕安軍事疾歸卒家

涇縣志

崔國政字聞卿太平人道光壬辰進士任廣東平遠知縣捐廉增書院膏火絕苞苴罷供億聽訟立決時林則徐間治行曰禮

樂刑罰不外性情中事也移吳川創建書院時高州府屬蝗獨

不入吳川境升嘉應州知州卒官祀名宦祠

太平縣志

崔紹中字受生太平人山東知縣歷署德平陽信臨胸政寬刑簡道光十七年署臨清州以隨獲逆首馬剛功卓異父憂歸起赴雲南累任州縣有聲苗匪梗化紹中計獲要犯補賓川州升知府歷東川普洱順甯楚雄後苗匪圍省垣紹中親冒矢石開通糧道加道銜督辦臨安軍務旋以督峩巖出力署池西道督辦南路軍務積勞卒於行營

太平縣志

崔景焯字魯瞻太平舉人道光中官甘肅文縣知縣歲饑請緩征捐賑實惠及民歷署環縣中衛並出俸置田興學校課耕織徒步勸輸軍餉決大獄無株累調補通渭修書院獲巨盜卒官

太平縣志



劉成萬字元圃旌德人道光己丑進士由吏部郎中授金衢嚴道封禁衢屬煤洞懲辦土棍因是逋匪戢跡捐俸重修聖裔家塾勤課書院士多德之帶勇禦賊三載病歸泣畱者相屬年餘復起帶勇巡守省垣積勞病故

贈太僕寺卿祀名宦祠

旌德縣志

李文瀚字雲生宣城舉人陝西知縣署郿縣有聲補岐山倡捐濟饑又借社倉粟行工賑法浚池築堡十餘年後回匪之擾岐下得以無恐調長安廉知煤井久傭蜀人甚愁苦盡出之而置領工於法升鄜州巡撫張祥河以賢員薦升四川嘉定府知府剿撫峩邊一帶裸夷當粵逆竄山右關中震動文瀚陳戰守二十八策於當事及抵蜀募鄉勇旬日得十餘萬旋署夔州府以道員畱川卒

宣城縣志

江伸字引之旌德人由兵部郎中出知湖州府調衢州稽查開化歲祲捐廉煮賑全活數萬人復捐千金為課士膏火買桑苗給民種植以興蠶織之利任滿歸囊橐蕭然

旌德縣志

朱夢元字貞起涇縣人江西貴溪籍道光甲辰進士選庶常改刑部主事由郎中擢御史咸豐九年儲濟倉災疏請

諭飭諸臣修省及刑部監犯減等五城飯廠加費各事皆得請同治元年請蠲免各直省積欠錢糧奉

旨飭部議行晉鴻臚寺少卿遷通政使省墓歸原籍卒

涇縣志

江薰字悅巖旌德舉人道光中任福建平和知縣潔己愛民決疑獄調古田捐廉賑饑及助書院膏火調彰平百姓泣送之母憂去官卒

旌德縣志

吳靖衷字寅卿涇縣貢生任雲南鶴慶州知州修鶴陽書院三



年獄無重辟電不入境火起返風退熄時有三異之稱以疾歸

咸豐初倡捐練勇積勞卒

涇縣志

汪時渭字尚濱旌德人咸豐癸丑進士由中書改湖南同知歷署耒陽武陵沅陵知縣耒陽有兄弟訟者兄理絀扶其僕以徇而諭勉其弟武陵人獻金為壽峻卻之沅陵多盜賊擒其渠餘黨遯跡舟人圖財謀命廉得置法署武岡州卒官

旌德縣志

劉芬字蘭泉宣城拔貢選陝西乾州州判署延長縣補咸陽縣知縣調長安歷任以教養為先斷獄尤勤慎延長無書院捐廉月課擢潼關同知同治元年賊竄秦薄關下集團守禦殺賊無算議敘知府二年丁憂奪情畱任籌解糧餉赴營道卒

宣城縣志

百覆按悉活之洪匪撲省垣竭力堵禦獲全累遷至右江道加鹽運使銜轉糧梧州以前防剿潯州功加布政司銜檄赴江西督辦黔餉一年卒

太平縣志

蘇式敬字介堂太平附生從張芾徽防立功誠慤寡言遇事勤奮屢卻大敵洊保浙江候補道咸豐十一年籌防衢州供給軍需無缺代辦布政使事同治三年補杭嘉湖道專辦海塘在嚴衢山中采度木石親歷巖谷刻期運致積勞卒於工次

贈太常寺卿蔭子入監

太平縣志

翟增榮涇縣舉人幼讀書畱心幹濟慨然有經世之志以知縣分發江蘇時李鴻章為蘇撫檄辦營務後隨剿捻有功洊保直隸州知州仍畱江蘇鴻章總督直隸復奏調增榮赴天津差遣潞河隄決委辦河間文安大成等處相度疏濬堵築務堅隄成



稱最積勞成疾卒於工次

章鴻鈞撰行狀

（此處為多欄空白或極淡文字，內容難以辨認）

重修安徽通志卷一百九十一

人物志

宦績十四

池州府

漢嚴詡陵陽人本以孝行為潁川太守謂掾史為師友有過輒閉閣自責終不大言郡中亂王莽遣使徵詡以何並代之官屬數百人為設祖道詡據地哭掾史曰明府吉徵不宜若此詡曰吾哀潁川士身豈有憂哉我以柔弱徵必選剛猛代代到將有僵仆者故相弔耳詡至拜為美俗使者漢書何並傳

宋樊知古字仲師本名若水字叔清從太宗命改名焉其先京兆長安人父潛事南唐任石埭令因家池州知古舉進士不第遂謀歸宋漁釣采石江上乘小艇載絲繩維南岸疾擢抵北岸



以度江之廣狹開寶三年詣闕上書言江南可取狀太祖命送  
學士院賜試及第解褐舒州軍事推官方議南征命往湖南造  
龍船以大艦載巨竹紐自荆南而下議者謂江濤險壯恐不能  
就乃於石牌口試造之移至采石不差尺寸從知古之請也既  
克池州以知古領州事擊敗三砦之據險為寇者金陵平擢拜  
侍御史令乘傳按行江南諸州詢訪利民授江南轉運使請蠲  
茶稅奏罷用鐵錢端拱初遷右諫議大夫河北東西路轉運使  
兩路各置副使都轉運使之目自知古始歷位至三司使後以  
事出為西川轉運使以本官知均州卒賜其子漢公同學究出  
身宋史本傳

夏中正貴池人嘗仕南唐入宋知貴池縣以鄉黨非威刑所宜  
施每聽訟輒隨曲直諭之人咸悅服擢職方員外郎告歸孫璽

舉才識兼茂科知長洲縣以直罷文彥博奏復其官一統志萬姓統譜

胡舜元字叔才銅陵人嘉祐己亥進士歷德興鄭二縣令遷著

作郎少嘗與王安石共硯席相友善安石作序送之稱為純孝

及執政行新法舜元以書規之有懷利事君貪利害民之語遂

乞致仕安石不以為忤其卒也以詩輓之孫棣舉進士官兵部

郎中一統志王臨川集江南通志

李植字公立建德人熙甯進士歷湖北轉運判官元祐閒入為

尚書度支郎與司馬光呂公著諸人善蔡卞用事斥為黨人罷

之建德縣志

檀固字以忠建德人熙甯庚戌進士紹聖閒官尚書極言朝廷

罷呂大防蘇軾范純仁用章惇曾布蔡卞之失書奏免官蔡京

為相遂不復起用一統志萬姓統譜

為相遂不復起用一統志萬姓統譜



張暉字伯器貴池人父洵為獄吏遇冤繫輒籌所以出之者暉

歷知鳳翔等數大邑以能理繁劇稱蔡京惡其忤己徵至京師

卒疑其未死欲發棺賴同里高允文力保免允文官清流簿京

謂曰君高節尚義當加旌賞授定邊軍教授實黜之也後擢知

汀州治尚廉靜及歸囊橐蕭然一統志 江南通志 池州府志

鍾鏜字德振銅陵人其家十一世同居鏜登元祐辛未進士授

旌德簿歷知汀州入仕五十餘年所至以廉惠稱萬姓統譜

檀宗益建德人哲宗時詔諸州行三舍法宗益備陳考校升選

之制從之授國子學錄子倬大觀己丑進士歷官徽猷閣待制

江南通志湯允恭貴池人宣和甲辰進士通判常州鄰州有叛卒轉掠城

邑將及境親往其營諭以禍福寇即解去擢刑部員外郎平反

冤獄累官至殿中侍御史兵部侍郎一統志 萬姓統譜

湯巖起貴池人乾道庚寅進士知營道縣以廉稱嘗自劾曰廉

而死豈不愈於墨而生乎秩滿奉祠還里所著有論語義十卷

詩集五十卷一統志 萬姓統譜

葉楠字元質貴池人乾道中進士為鄱陽尉值歲潦力請蠲租

賑之後合績溪邑人歌之曰前有蘇黃門後有葉令君其清望

相等云所著有知非集一統志 萬姓統譜

程九萬字鵬飛青陽人淳熙乙未進士知武康縣首訪儒術豪

右奸究悉繩以法境內肅然以政績卓越擢歷司農簿太府丞

奉使兩淮改鑄鐵錢具有規畫出知和州擢華文閣待制安撫

襄陽封青陽縣開國公著有九華詩百篇一統志 江南通志

鄭舜臣建德人紹定中江西寇猖獗趙范知池州聞其賢牒充



民兵副將防守江淮又嘗督運糧餉出家財以助軍朝命褒之

一統志

甯尹字正字青陽人紹興二十八年知浮梁縣告長老曰令起

農家耳備嘗疾苦奈何以鞭扑苦百姓其定約束與若守母自

刑也民相率趨令

江西通志新

阮麟翁字祥翁銅陵人景定壬戌進士授京山尉歷建德路總

管任封疆修耕戰以功名終

江南通志

胡仲先字國政貴池人趙范提舉江東以仲先充民兵總領乃

移文諸將什伍其民而教之邊淮告急加以歲饑仲先經營守

禦傾橐以賑所全甚多

江南舊通志池州府志

元胡愿字伯恭銅陵人舜元之裔孫也舅阮為建德守至元乙

酉入覲愿以甥從襲恩得仕授南陵主簿有妖巫惑眾箝之而

妖息遷崇德州判有詐稱使臣降香所過迎送供億愿疑其偽

執而訊之乃坐以法調婺源再遷靖安崇仁尹皆有惠政卒於

官翰林待制虞集為之狀歸葬於宣城

吳文正集

魯淵字道源建德人為華亭縣丞佐治公廉以道自重郡之言

春秋者多出其門

南畿志

明徐謙青陽人洪武中以貢授臨江府推官遷戶部郎中督漕

運於淮濟甚著勞績特擢太僕寺少卿致仕卒

江南通志

余鐸池州人官安仁主簿邑有流亡逋負鐸奏撥茶陵屯糧籌

補民稍安集任滿當代父老數百人詣闕乞畱遷知本縣益多

惠政

湖南通志

桂林字宗衍貴池人洪武中以貢授刑部主事遷員外郎方濬

以事陷獄林白其誣得釋居官公清勤慎凡所讞獄悉得其平



性至孝同邑黃觀極其推重後以直諫下獄死忠孝紀略 秀山志

潘伯庸銅陵人洪武中以貢選授御史言事侃直不避權要歷

河南廣東山西按察使並著清節庸孫大承嘉靖中以貢知保

昌縣卻常例興利除害民甚德之江南通志 池州府志

徐述字信古建德人永樂中由稽勳主事守漢陽興學校課農

桑時朝命採木設法完解民不知役歲歉民逋以關市鈔數十

萬代民輸足有虎傷人為文以禱於神虎就捕人咸以為神明

所感一統志湖 北名宦

余可才字國器銅陵人永樂甲申中乙榜授訓導請試繁劇畱

試工部上疏言官不必備得人為主帝嘉納之以薦為吏部主

事扈從北征奏對稱旨宣德時晉南吏部郎中署堂事清選法

革積弊升南通政復條上息訟安民諸務皆允行萬姓統譜 江南通志

方濬字孔哲貴池人以貢歷刑部主事時雲南孟暉諸番梗化

上不欲勤兵於遠以濬充使承旨往諭以逆順之理大小之勢

番人讐服入貢擢禮部員外郎又奉敕撫雲貴湖廣苗民咸奉

教令升廣東參議致仕歸池州府志

鄭景曜名拱南以字行建德人永樂甲申進士授御史按遼東

有元時故吏儲欽等為奸利有司不敢問景曜捕治之擢貴州

參政湖廣葺子坪苗亂命監總兵官蕭授進兵剿堵苗平晉階

中大夫以年老乞休歸一統志

柯暹字啟暉建德人父彥斌知臨安縣有惠政暹以舉人預修

永樂大典為解縉胡若思所賞識選入翰林中會試乙榜入內

閣預機宜文字擢戶科給事中三殿災詔求直言暹繼鄒緝上

疏觸帝怒左官交趾驩州追繫獄仁宗即位復官以知州署永



新吉水事擒大盤山妖賊曹子良等尋以楊士奇等薦擢浙江按察使母憂歸起雲南按察使從靖遠伯王驥討平思機發之亂又撫平貴州叛苗致仕卒子薰以貢知雷化縣盡心捕蝗早不為災調安鄉市廬火起籲天自責風反燄息人欽其異一統志

明史鄒緝傳

江得東流人永樂中以貢選授御史有廉直名遷按察使僉事

江南通志

檀凱字伯和建德舉人預修永樂大典尋成進士觀政都察院命與御史一體僉事慮囚為一時異數尋授思州府通判孚恩信陳禮義俾民知孝親敬長尊君之道適苗寨互相攻擾加意撫循得不被兵秩滿當遷思民詣闕請留詔加正五品俸還任宣德中擢應天府治中思民涕泣送之遷府丞致仕一統志

吳賜貴池人永樂壬辰進士歷河南按察司僉事盜殺武陟知縣已獲而賄脫賜微行訪得盜名及受賄之衛官俱置之法改

廣東道御史抗疏忤旨下獄死河南通志

江通字必達建德人以貢知鞏縣招集流民俾復故業河南旱蝗不入鞏境郡守異之委捕蝗孟津通往齋禱於神蝗悉去事聞加一級秩滿以老乞歸今鞏有江公祠江南通志

胡本惠字益之銅陵舉人授戶部主事歷員外郎出知南昌府

有善政擢陝西參政累遷右副都御史巡撫遼東涖軍嚴重邊境以甯一統志

舒仲誠貴池人以貢歷萬載知縣政尚嚴明善激勸擢監察御史永樂北征皇太子監國仲誠言事忤旨出湖廣按察司副使

江南通志



檀觀東流人宣德中以貢知永川縣治尚嚴靜當遷民歌之曰  
食惟檀衣惟檀檀公去我飢寒詣闕請畱滿九載以治最擢雲  
南按察司僉事不赴歸囊止一石人謂之清白石云一統志

鮑旭青陽人正統中以舉人知興國州治民以慈愛為本有冤  
抑者急為伸之修常平倉六所糶節出納數年民以殷富朝天  
隄圯登以石建石亭於其上人名為鮑公隄又奉檄剿苗有功

擢武昌府知府以疾歸民多號泣送者祀鄉賢一統志湖  
北名宦  
鞏珪貴池人正統閒任黑鹽井副提舉侃直任事秩滿父老遮  
畱不忍別湖北通志  
新增

孫仁字世榮貴池人景泰辛未進士授戶部主事督畿內糧儲  
監京倉盡釐夙弊出知順慶府調西安成化中討固原叛羌有  
轉餉功遷陝西參政修沿邊斥堠鑿涇陽洪口堰引水溉田永

為民利遷右布政歲比不登流民聚荆漢閒將為亂仁悉力安

撫奏設白河等縣令就近著籍解散之轉左布政晉右副都御

史巡撫四川平松潘黑虎等砦賊相地險要設立州縣以控制

之召為戶部右侍郎乞致仕一統志  
池州府志

桂甯字清軒貴池舉人知臨武縣作士衛民百廢具舉以最當

遷邑人詣闕請畱復任三年升知安甯州民夷向化以艱歸遂

不出池州  
府志

陳孟晟銅陵人景泰甲戌進士授評事遷雲南按察使僉事善

折獄以廉慎著及歸卻餽贖滇人德之後猶有走萬里來省於

其家者江南通志  
池州府志

陳勉建德人景泰中知南豐縣招逃遺卹窮困鋤豪猾扶善良

百廢具舉政聲大著未三載以憂歸民歌之曰大尹陳政事新



抑豪強撫良民男耕女織歌陽春江南通志 新增

章廷珪銅陵舉人知興國縣清惠得民秩滿輒請畱任至九載

遷武昌同知邑民追思立廟以祀江南通志

張廷瑞貴池人天順壬午舉人知龍泉縣以清惠稱最擢御史

清理屯田盡革中璫侵占之弊致仕歸貧無以自給龍泉人復

迎之至縣居三載歸時遺以金不受邑人為立卻金亭一統志 池州府志

陳輕青陽人其先以軍籍隸雲南天順甲申進士授刑部主事

折獄平允歷福建按察司僉事備兵漳州有寇據山谷常出為

民害輕以兵深入殲之身犯瘴厲卒於軍事聞給傳歸其櫬惟

圖書數卷而已江南通志

徐懷字明德建德人天順閒進士授刑部主事歷江西按察僉

事明敏有治才安福豪陳萬年恃險為雄號曰洞主官司莫敢  
詰懷密擒伏法累擢江西右布政使轉左仕至南京刑部右侍

郎江西通志 新增

李廷璋字子純石埭人成化丙戌進士授刑部主事遷員外郎

出為四川按察司僉事土司刺馬賢為邊害按部擒斬之疏陳

邊備六事報可備兵松潘轉雲南按察司副使引疾歸卒年八

十二池州府志

何昌言建德人成化閒任福建光澤知縣居官清慎嘗創建儒

學舍宇及預備新倉福建通志 新增

王裕銅陵舉人知德化縣調甯化復調德化以不附劉瑾遷徙

靡常後補豐城當贛水之衝築隄長九十里水患以息民甚德

之號曰王公隄建祠其上以祀王守仁所 碑志



吳必顯字德純石埭人成化丁未進士知太和縣以勤涖官案

無畱牘權貴斂跡累遷岳州守江南通志

張輝字蘊之石埭人宏治庚戌進士授禮部主事以言事謫光

州同知累擢福建按察司僉事以忤劉瑾罷瑾敗廷臣交薦以

老不出晉一階一統志

周冕字尚文貴池人宏治庚戌進士授戶部主事遷員外郎監

稅鳳陽一清積弊又督江西糧儲得實糧四十萬石以濟邊餉

蠲負百萬餘石以蘇貧民綜理維精詔旌之江南通志池州府志

趙麟貴池人宏治中知遠安縣嘗令民輸粟贖刑比九年積粟

九萬石後歲歉賴存活者甚眾一統志湖北名宦

劉圭青陽人父恩以貢知長甯縣有政聲圭亦以貢知潛江縣

調信豐均以慈愛著兩地俱建遺愛祠祀之人以為無忝其父

云池州府志

宋澄建德舉人宏治九年任福建永定知縣時奉知府吳文度

檄築城四年無成澄至稽物料督工役不辭勞瘁一年而竣周

七百七十六丈至今崇墉屹屹皆曰澄之力前政不與焉福建通志

增新

李嘉祥字時鳳貴池人宏治丙辰進士授開州知州剔奸祛弊

動中機宜城北舊有淫祠嘉祥毀之巫風遂息擢南戶部郎中

督賦蘇州性慷慨喜論事嘗具疏語侵權宦人尤壯之一統志

桂鼇字用之貴池舉人授廣信府同知時宸濠蓄逆謀陰結山

中三巨寇為支黨巡撫孫燧檄鼇以次剿平之嘉靖中尚書王

守仁總督兩廣諸軍平思州斷藤峽鼇與軍事論功擢知思恩

府遷府治於荒田驛經營開創勞績最著致仕歸粵人祀守仁



重修安海縣志

卷之九十一

許潛貴池人宏治己未進士授行人選御史剛直不阿嘗監內庫中貴憚之

江南通志

汪珊字德聲貴池人正德辛未進士授御史時林有年以諫迎活佛送詔獄珊申救之嘉靖初疏陳十漸帝頗納其說而不能出為河南副使累擢右副都御史巡撫湖廣復以言事落職會貴州都勻苗亂廷推起珊往平之復原官終南戶部侍郎

明史余珊傳

李崧祥字密巖貴池人正德甲戌進士授戶部主事歷山西副使備兵潞安遷河南布政司參政將行適上黨青羊山賊作亂以崧祥有辦賊才特畱總四道兵入山剿賊平之議析壺關等縣地置平順縣以扼山之要害得旨允行遷四川布政使時多

營建蜀民困採木之役崧祥入覲抗疏止之因忤用事者致仕歸

一統志

柯遷字瀛山貴池人以貢知彭澤縣察奸吏數人置之法民大悅升泉州府通判興學教儉以勞卒官囊無餘物人稱為清白吏

池州府志

柯椿字獨山貴池人以貢授吉州同知遷順天府通判在官十四年民謠曰天時多旱公雨之民租多負公處之西山多饑公賑之西山多盜公寢之徭役紛沓公靖之古有惠政公近之

池州府志

柯相字元卿貴池人正德丁丑進士知永新縣宸濠反南昌巡撫王守仁舉兵討賊相集其縣民兵從躬自居守賊平守仁敘其功辭不受以艱歸起知商河多惠政歷吏科給事中劾去官



邪數十人奏裁內府暨諸司庫藏以鉅萬計累擢右副都御史巡撫陝西築皋蘭邊牆三百里寇不敢犯改督兩廣不赴歸所著有奏議公移諸稿一統志

柯燾字光廷建德舉人歷臨江南昌二府推官折獄平允擢南戶部員外郎權揚州關關截城外漕河舟過無一漏者燾割河三分之一作便民橋俾小舟徑渡貸其征其巨艦之稅符額而止秩滿歸載麥數斗而已孫鑑字公明以舉人知沂州盡革羨耗規例流亡咸集不數月卒民號泣賻送江南通志

宋邦輔字子相東流人嘉靖丙戌進士授行人擢御史十一年彗見求言御史華亭馮恩應詔極論張孚敬方獻夫汪鋌之奸帝怒逮下獄究主使名榜掠無所指惟言宋邦輔過南京談及朝政遂並逮邦輔下獄落職既罷歸躬耕養親妻操井臼子樵

牧歲時與田夫會飲醉即作歌相和高風動遠邇士大夫造其

門者屏輿從而後入焉明史馮思傳

章允賢青陽人嘉靖己丑進士知貴溪成安二縣歷禮科都給事中疏論武定侯郭勛及都御史胡守忠諸不法事皆置重典在廷憚之江南通志

柯喬字遷之青陽人嘉靖己丑進士官御史出為湖廣僉事駐節沔陽築江隄數百里立廛市造浮橋興學校雪冤獄以艱歸起補福建僉事備兵海上與浙撫朱統協力剿倭嚴販海之禁因為忌者所中罷歸江南通志

章時鸞青陽人嘉靖甲午舉人知鄒縣勸課農桑邑大治時河淤漕阻朝廷遣尚書朱衡經理其事時鸞首請開南陽新河漕運復通遷兗州同知累擢河南副使時鸞性行醜篤居官不以



家累自隨每去官襍被蕭然有古循吏風一統志

徐紳建德人嘉靖辛丑進士知蘭溪縣洞悉民情胥吏悅服擢御史巡視畿內屯馬以昌平州地衝民困請永停寄養馬匹巡按保定適楊繼盛繫刑部獄為置產恤其家疏劾大瑞論銓曹夙弊語多剴切遷尚寶司卿累官順天巡撫涖鎮兩載繕兵撫士邊備肅然浙江通志 江南通志

畢鏘字廷鳴石埭人嘉靖甲辰進士授刑部主事遷郎中擢浙江提學歷升湖廣左布政改應天尹海瑞撫江南移檄京府等於屬吏鏘卻不受瑞廉其治行與相善進南戶部右侍郎督理糧儲入為刑部改戶部總督倉場擢南戶部尚書謝病去起南工部改吏部徵為戶部尚書因風霾陳九事歷指庫帑侵漁軍匠冗食之弊忤近習意不行遂乞歸卒年九十三贈太子太保

諡恭介明史本傳

柯一鵬字汝程貴池人以貢歷知蘆山縣苗多民少叛服不常一鵬撫綏並至苗民畏懷升廣信府通判命未下以勞卒官池州府志

王用文建德貢生嘉靖二十七年任福建長泰知縣強敏善記事無巨細經目不忘聽訟明決豪右宿猾莫敢犯任三年未嘗遣一吏胥至鄉解官之日橐囊如洗福建通志 新編

李一元字調卿建德人嘉靖丁未進士授開州知州築城浚濠修學教士遷南刑部郎出知金華府治獄以情曲直立辨胥吏不敢出一言擢河南提學累官兵部右侍郎巡撫江西引疾歸一元所歷皆著勞績而廉潔自持卻一切問遺餽贖嘉隆閒在朝有四君子一元以清得與弟一申隆慶戊辰進士歷延平開



封推官亦有清名終河南副使一統志 江南通志

呂一靜貴池人嘉靖壬戌進士授工部主事督荆西權政以恤

商稱出知興化府舊例輸米給軍勞費數倍一靜定價折銀絕

侵扣之弊軍民兩便終浙江按察司副使池州府志

施堯臣字欽甫青陽人嘉靖庚戌進士知蕭山縣時浙有倭寇

蕭山故無城堯臣力請築之城甫完而寇大至邑賴以全涖任

不挈家屬止攜一簞及去惟贈言數紙而已官終順天府尹一統志

曹汝良字惟遂貴池舉人知漢川縣均徭役定科條興利革弊

邑大治尋乞歸其兄汝衷亦以舉人知德化縣為政慈祥刑罰

從輕歲歛加意賑恤升潮州府通判又同邑柯一鳳由舉人知

通山縣亦以寬惠得民心江南通志 池州府志

方新字德新青陽人嘉靖丙辰進士歷監察御史上疏極論水

災及將驕卒惰之害因言論納者日獻禎祥而疆域冒功隱敗

斥罰不得不嚴陛下亦宜隨事自責痛加修省然後災變可息

而外患可弭疏入斥為民隆慶初復職終湖廣參議明史楊思忠傳

施篤臣青陽人嘉靖丙辰進士授工部主事遷員外郎出為湖

廣僉事累官順天府尹建白奏記萬言立就而根本經術練達

時宜朝士咸服江南通志

奈敬中銅陵人嘉靖己未進士授武昌推官屢決疑獄景藩初

就封奄豎恣橫每以法裁抑擢吏部主事歷文選郎中推用正

士高拱當國嫌其為徐階所重出為廣西參政遷廣東按察使

罷歸江南通志

施宗誼青陽舉人授梧州府同知劇賊張廉等劫掠為民害宗



重修安徵通志 卷一百九十七  
三  
誼奉檄討平之有妖虎噬民尋自滅人以為善政所感立祠祀

之一統志

陳應期青陽人以貢知永甯州為政廉恕鄰州徭相仇殺奉檄馳諭即解散凱口賊亂督運軍餉無後期委清各衛屯田盡卻例金以論薦加一級乞歸

一統志

湯希閣字孝之石埭人嘉靖乙丑進士授開州知州繕城隍清徭役葺學校勸耕息訟民困印馬之累力請除之有權貴居鄉曲武斷為害按法治之不少貸擢南戶部郎

江南通志

徐文山銅陵舉人嘉靖間知南城縣實意愛民鄉里苦役為庫子官司日用無不取給中人之產不踰月而盡文山立罷之

江南通志

桂琳石埭人嘉靖中知廣靈縣蠲煩滌苛一意蘇息每秋多方

儲積及春以貸貧不能耕者去之日百姓涕泣攀留不忍舍

通志

桂標字汝立石埭人以貢歷巫山知縣值大水民多流亡煮粥以賑多方招集民漸復業以勞卒官眾皆憫之為著巫陽哀輓

池州府志

孫承祖青陽舉人歷知南漳縣時採權各處物產南漳無所出例輸金以代承祖請自納以紓民困上官嘉之為請於戶部除其稅以最遷兩浙鹽運司運判不就歸

池州府志

孫楠字木所青陽人以貢授廣昌縣丞有膂力嘗驅猛虎擒巨獠禱雨立應邑人著三異錄以頌之升興安知縣縣新設諸政未舉楠首葺學宮修武備勸民耕墾由是深箐無伏莽邑大治

江南通志



曹棻字子馨貴池舉人知義烏縣調穀城周恤民隱不尚武健

有循吏稱卒於官貧無以殯上官賻送櫬始得歸池州府志

孫溥貴池人嘉靖中知通山縣扶善鋤惡遇事敢為監司以不

阿抑之遂致仕去一統志湖北名宦

金天民東流人以貢知蒲臺縣均田里平徭役訓士課農以忤

上官歸民特至其家繪像以去江南通志

施天麟青陽人隆慶辛未進士授工部主事擢郎中權稅荊州

廉漁稅者四人寘諸法追其積逋以實公帑張居正當國建第

於其鄉舍人游守禮等掠川商巨木為構造用天麟斷給之以

是忤居正謫廣東市舶司提舉轉岳州府同知未就卒池州府志

羅賜祥字應敬青陽舉人授掖縣教諭歷遷兵部武庫郎中力

清耗蠹出為湖廣按察司副使分守湖北苗民雜處俗悍而用

侈賜祥以簡重馭之眾皆讐服江南通志

王應乾字懷惺東流人隆慶辛未進士授中書舍人擢御史以

忤張居正出為湖廣僉事平洞蠻有功累遷湖廣布政所泣皆

著清惠江南通志

余毅中字子執銅陵人萬曆甲戌進士授工部主事巡視南旺

水利為通月河治汶築泲濟以裨運道總河潘季馴以最聞會

黃淮失故道漕河中阻勢偏泗陵晉署郎中駐中河理徐邳一

路塞崔鎮決口築隄一萬二千丈有奇工成詔以京堂用而毅

中竟以瘁卒官贈太僕寺卿一統志

陳邦彥字汝美青陽人萬曆甲戌進士授工部主事遷員外郎

分司呂梁通判俱著勞績同邑陳明廷以舉人授甯美州知州

有廉名遷建昌府同知兩地皆祠祀之池州府志



吳文梓青陽人萬曆丁丑進士授太常寺博士擢兵科都給事中時倭寇方張廷議封貢以款之獨持不可未幾捷聞特蒙褒賞以言事忤旨謫從善典史天啟初哀錄先朝建言者贈太常寺少卿著有諫垣草

江南通志

李可芳字念菽貴池舉人授鄖陽推官以敏練稱遷簡州知州襄陽同知俱有政績其在鄖陽嘗攜池州稔種自給至今傳為

李公黏云

江南通志

王一楨字柱明青陽人萬曆乙未進士知鄒縣勸課農桑設官莊百餘所以處民之無恆業者歲大祲安集流移賑卹備至擢兵部主事請停礦稅累遷湖廣布政禦苗靖盜制藩璫清皇木餘價十三萬及裁紙額五十餘萬並貯庫充餉以勞卒於官

志

統

重修安徽通志卷一百九十二

人物志

宦績 十五

池州府

劉光復字建初青陽人父織以理學名光復登萬曆戊戌進士知諸暨縣縣介萬山間而七十二湖處其下流光復相度地勢壩麻溪導七堰築長圩開新江水旱無虞且置義田以備賑立義冢以掩骸停喪溺女諸弊一切革之擢御史巡按山西以挺擊事入對慈甯宮忤旨繫獄光宗立起光祿丞卒贈太常寺少卿

浙江通志

江南通志

鄭三俊字用章建德人萬曆戊戌進士知元氏縣擢禮部郎中歷光祿少卿陳中官侵冒六事時魏璫客氏用事摘其語欲重

重修安徽通志

卷一百九十二 人物志

宦績

池州府



罪之以閣臣力爭免擢左僉都御史疏陳兵食大計遷左副都御史上疏極論璫權楊漣等既逐三俊引疾去旋褫職閒住崇禎初起南戶部尚書兼吏部因京察澄汰魏黨上議官評村請屬慎差委三事帝皆採納考績入都畱爲刑部尚書加太子少保晉吏部尚書數引薦賢士之廢斥者舉李邦華劉宗周自代乞休歸

明史本傳

丁旦字惟寅貴池人以貢授衡州府通判卻例金釐宿弊修社倉義學少師事李呈祥私淑王守仁與衡士人講學不輟督餉至武昌以勞卒以子紹軾相熹宗累贈武英殿大學士

湖南通志

畢一範字一衡鏘仲子也以蔭歷戶部員外郎疏請罷中使交

廣采珠不報遂棄官歸

池州府志

羅尙忠字孝可青陽人萬曆癸丑進士知平湖縣爲政清簡執法不撓北白南糧陋規洗刷殆盡又捐俸立義田置義冢以艱

去起知建昌治如平湖擢給事中疏請復建文年號嗣遜國諸臣雖未允行眾議壯之遷太常寺少卿卒

平湖縣志江南通志

王建和字乾純貴池人萬曆癸丑進士知龍泉桐柏二縣擢南刑部主事歷知永甯府屬邑旱澇不均勘災輕重力請蠲緩民困以蘇崇藩戚晚鍾振家倚勢恣行有司莫敢問建和白於王申之學使者窮治其罪一郡稱快累遷湖廣參政致仕歸

一統志河南名宦

孔貞時字中甫建德人萬曆癸丑進士選庶吉士授檢討與弟貞運編纂六朝章奏有足兵足餉諸議時皆服其精當元宗熹宗相繼卽位一時詔令表冊諡議之文多出其手以積勞成疾



卒江南通志

孔貞運字開仲建德人至聖六十三代孫萬曆己未進士殿試

第二人及第授編修

按大學題名碑榜  
句容籍建德人

充經筵展書官纂修兩

朝實錄崇禎初進講述祖宗勤政講學帝嘉納之擢祭酒進少

詹仍管監事帝臨雍以聖裔故賜一品服畿輔被兵上禦敵城

守應援數策以艱歸起南禮部侍郎遷吏部入內閣溫體仁欲

窮治復社值其在告貞運從寬結之又揭救鄭三俊錢謙益以

事引歸莊烈帝哀詔至貞運慟絕不能起遂卒明史張至發傳

徐廷宗字季曾建德人萬曆己未進士歷荊州廣平推官俱以

明允稱累擢工部郎中監修九陵督臨清甄廠遷山東副使備

兵臨清以事忤上官歸江南通志

姚士儒字以實貴池舉人中明通榜累官戶部主事率同列十

六人劾魏璫幾罹不測歸池州府志

汪廷春貴池人以古田簿擢知縣有惠政嘗建湯壽橋後古田

民刻像祀之改橋名曰汪公橋池州府志

陳忠字大本石埭人官敘州府經歷以征九縣蠻功擢南溪知

縣遷學宮於吉地丈田畝均里甲遷通判與征松潘馬湖苗洞

皆有功升山東鹽運司同知致仕歸池州府志

馮時來字叔乘建德人萬曆時以舉人知江安縣為治廉靜土

番來寇時來集民兵嬰城固守賊不能下以疾歸池州府志

陳久可青陽人以貢授武昌通判理商稅及額而止中官陳奉

以監稅至楚肆虐激變久可極力調護事始解士民德之致仕

卒年九十江南通志

吳一元青陽人萬曆中以貢知星子縣有不便於民者必力爭



之中官李道以監稅至江西所過騷擾一元力與之抗道怒誣以撓稅被逮邑民詣闕申辯得釋天啟初贈尚寶少卿一統志

桂應蟾字九嶙石埭舉人授衡州府推官治獄詳臆出死囚四十八人葺石鼓書院以課士同邑沈世選字元功以副貢官絳州同知嘗卻額軍銀八百兩除巨猾之為民害者民祠祀之一統志

池州府志

姚士嘉貴池人官北城兵馬司指揮奄人索詐民財執法懲之置義冢安定門外路無暴骸都人頌焉出判桂林請豁興安浮糧築各屬塘堰後署府事加意修舉會城八桂堂其所修建也

池州府志

桂早馨字儒徵貴池人萬曆時以歲貢任定遠教諭歷官楚王府長史王與宗人不睦早馨言宗人雖不善在祖宗視之一體

也王以祖宗之心為心固宜曲全之矣楚王感悟後辭歸王書

清端良輔四字贈之池州府志 貴池縣志

陳以運字時可貴池舉人知新淦縣治尚廉靜獻賊寇江右郡邑殘破淦獨以堅守得全升邵武府同知遷池州左兵東下以運城守無虞江南通志

江大任字是人建德舉人知恩平縣招集流亡給牛種墾荒田千餘頃革里役屏陋規山賊勢張甚將犯恩平大任誘降其渠魁眾悉解散新學宮興文教邑士始有登科者遷南甯州牧江南通志

通志

孔貞會建德人貞運弟也以貢授汝甯通判署固始縣土賊鄭貴邱二毛踞蔡溝眾二萬貞會以計降其黨令縛二賊渠以獻賊西潰復合九曲賊八大王者勢復張貞會與戰斬八大王土



賊遂平浚濠塹築城樓流賊來攻不能下熊文燦檄為監軍升湖廣按察司僉事明亡歸里卒

池州府志

張懋鼎字乃調銅陵人以貢歷官郎中釐漕運積弊淮揚荒請以麥代米浙江荒請以紅糧代白糧俱大為民便時所在用兵餉每不給懋鼎籌畫頗多便宜擢陝西按察司僉事備兵肅州撫服羌夷

大兵定陝右懋鼎歸耕不出

池州府志

馮良琛字獻子東流人歷官襄府左長史以禮法佐王民間田畝為王府侵占者悉反之胥吏恃藩勢擾民者悉置之法朝論

嘉之

池州府志

桂自馨字道微貴池舉人官旌德教諭升安義知縣市人以大小秤出入欺詐自馨酌為定式市塵不擾後遂名為桂公秤

池州府志

縣志

施臺臣青陽人天啟壬戌進士知龍巖縣紅毛入寇躬被甲胄督民兵逐之邑賴以全邑多通賦時需餉甚急臺臣為去其羨一月而積逋悉清

池州府志

施承緒字孺翼青陽人崇禎戊辰進士由應天教授歷南戶部主事監倉稅以清介聞遷郎中出守漳州稱廉平調南康平彭

蠡湖劇賊卒於官郡人立祠祀之

江南通志

胡士瑾字文瑜貴池人崇禎庚辰進士知烏程縣緩征弛役民以不困以艱歸適左兵東下士瑾力佐城守甚力鄉里德之

池州府志

方學聖字振林貴池人崇禎癸未進士知秀水縣有鄉宦女杖殺其婢人多請貸不從竟以女抵罪又有一任子索逋而奪其



婦為追還之捐資償焉明亡棄官歸池州府志

史諫字信廷貴池人以貢授桐鄉訓導歷知印江縣均丁徭廣

廩額抑強弁靖苗氛以老歸卒年九十池州府志

沈繼周字思兼石埭人官富順主簿司權鹽井卻陋規絕私販

鹺政以清流寇數萬圍城值邑令身故繼周親率壯勇晝夜登

陴捍禦城全而身以瘁卒池州府志

徐中斗字建伯青陽人以貢歷永興知縣恤民愛士升鎮南州

同知永興至今祀之池州府志

國朝羅雲達字遠伯青陽人順治丁亥進士知太谷縣分校鄉闈

稱得士多惠政百姓德之江南通志

徐士儀字伯羽建德人順治初

大兵下江西委知南康有以逆命訐者焚其詞反側皆安羣盜聚

山谷肩輿往諭之盜皆解散南康大治以艱去起補黃州平西

山積盜設義倉隆學校擢貴州按察司副使遷布政使參政苗

民帖服致仕歸卒年八十一池州府志

朱正源字靜一貴池人前明時官永平通判

國朝順治初起廢隨征浙江收各郡以勞授浙江按察司副使整

飭溫處水利道築海塘數百里以艱歸

大兵征福建復調至軍前署福建屯鹽道池州府志

湯之紀字肇修石埭人順治中以拔貢知汝上縣時土寇未靖

之紀諭以大義羣醜輸誠良民獲安以剛執罷官囊無餘資圖

書數篋而已石埭縣志引汝上志

陳邦簡石埭舉人順治十四年知長甯縣待士有禮治民有方

催科無苛政而賦自辦以刑罰責人人皆不怨頑梗者多化而



遷善云 廣東通志 新增

汪自潤東流人順治中以選貢知絳縣為政寬平居官九載訟息民安擢行人未赴卒 江南通志

陳鎰字孟起石埭人順治乙酉舉人官江陰教諭兵燹後自大成殿明倫堂外不遺寸椽鎰偕諸生經營相度復還舊觀有豪猾欲中傷某生餽金三百鎰正色拒之遷興縣知縣 江南通志

柯仲實字在中貴池人以選貢知新城縣為政廉靜革耗羨以勸輸將無催科之擾修學宮創義學擢開州府同知嚴設保甲以弭盜賊又濱河設舟以救溺置義冢瘞亡者民立祠祀之 江南通志

蘇汝霖字潤生石埭人順治壬戌進士授甯波府推官長於聽斷時征舟山有轉餉功駐防兵與郡民構隙片語折之皆感服

擢刑部主事歷遷廣西提學僉事康熙十三年叛帥孫延齡據

桂林脅汝霖索印峻拒之懷印走赴廣督軍前兼蒼梧兵備道

隨軍進剿尋署廣西布政使以瘁卒官 一統志

余繼益銅陵拔貢順治十八年知瀘州在任六載應付東征糧

餉備歷辛勤凡有裨地方民生者俱殫心為之 四川通志 新增

張國柱字斯石石埭人以貢歷知唐縣歲饑盜起賑緝有方民

賴以安革陋規創義學擢雲南趙州知州輕刑薄稅升戶部員

外郎 江南通志

徐文烜字龍山青陽人髫時能誦史記杜詩全部順治戊戌進

士知太原縣卓有惠政 江南舊通志

章世德字天彝貴池人康熙壬戌進士知南平縣縣素苦里長

當役世德至即除其累值編審悉豁虛丁縣治及城外浮橋皆



重刊多後通志 卷一百九十二  
所修造卒官獄中纍囚有哭失聲者櫬還日百姓哀號遠送統志

余汝霖銅陵歲貢康熙時任舒城訓導課士有方新學宮葺試

院修縣志年八十三卒官櫬歸送者布路廬州府舊志 新增

李錦字念先東流人以貢任諸暨縣丞升新昌知縣寬平待人

清潔自勵民立祠祀之池州府志

程璉字以長貴池人康熙丙戌進士知樂至縣革陋規勵清操

始終如一民愛戴之池州府志

曹文蔚字仙霞貴池人官汝甯通判康熙二十一年楚北兵餘

黨煽亂汝甯計擒其魁乃悉解散署真陽蘭陽二縣有賑饑修

志代民賠河帑諸政以艱歸起補德安通判督修河隄具有經

畫江南通志

柯棟字壯侯建德副貢知洋縣清慎愛民調華陽招募開墾亦

著能聲池州府志

吳襄字七雲青陽人康熙乙酉

上南巡襄以諸生

召試一等癸巳成進士改庶吉士授編修雍正時歷侍講任順天學政

遷侍講學士疏陳學政事宜三事下部議如所請課士之餘畱

心利弊疏陳淦水事宜請設河員啟閉又請停冒籍改歸之例

俱蒙

採納晉禮部右侍郎擢本部尚書兼管左都御史事務卒

賜祭葬諡文簡襄受

兩朝寵遇屢充

國史治河方略詩經集說纂修官又充明史八旗通志總裁官以

重修安徽通志

卷一百九十二 人物志

宦績

池州府



榮名終士林豔之一統志 池州府志

謝紹仁字希純銅陵舉人知峩峩縣兼攝宜賓減雜徭雪冤獄

平敘州叛蠻以艱歸起補光澤縣歲饑發賑全活萬餘人雍正

十三年奉文清丈軍田力為請免擢戶部主事監督倉儲以廉

幹稱光澤人為立祠祀之一統志 福建通志

陳哲字叔元銅陵舉人知武陵縣請豁洞庭湖濱宿郎圩已坍

無著之糧調湘鄉縣事有不便民者奉上官嚴督亦不肯阿附

歷署武陵龍陽諸縣所至有聲以艱歸起補清遠調歸善以卓

異升甯州知州歸善立祠祀之湖南通志 池州府志

章永祚字錫九貴池人世德子也以舉人知清澗縣縣多流亡

逋賦招集撫綏勸以耕種民漸復業又行編審法以蘇徭役修

學宮以課士子時用兵征額魯特委以解餉馳驅鞅掌期不誤

而民不擾歷升都水司主事清理河帑積弊頓除以乞養歸池貴

縣志

王應文字炳漢東流人以選貢授太和縣教諭值河決豫省議

開太和清泥淺以洩項陳沈鹿積水應文抗陳利害得寢升知

黃安歷建昌通判池州府志

鮑文燦貴池人雍正初官綏甯典史擒獲逆獠蒲寅山復平叛

苗以軍功升新涇巡檢湖南通志

蘇玉禾字甘農石埭人以貢署天門同知地濱大河時苦衝決

玉禾整理圩圍以時蓄洩不避泥濘風雨之勞卒於官百姓哀

思勿替池州府志 按天門係湖北 安陸府屬縣同知字疑誤

楊國幹字固亭建德人雍正初以孝友端方保舉署鎮海臨安

二縣調知臨海案牘繁劇總理裕如卒於官囊無餘資百姓立



祠祀之池州府志

吳兆雯字和叔襄之子也雍正甲辰進士改庶吉士授編修充實錄入旗志明史纂修官乾隆壬戌

特旨命翰林科道日進經史條陳兆雯按切政務民隱敷奏俱蒙

恩鑒以疾歸池州府志

姜繡字斯才貴池人由三禮館議敘授章邱縣丞升知汶川縣

以滇省軍功升合州知州隨營辦理金川軍務護建南道督催

糧餉稽查臺站卒於三松坪奉公盡瘁咸悼惜之池州府志

吳濤字不波青陽舉人知樂陵縣修明倫堂築隄禦古高鬲馬

頰二河水患以息所著有捕蝗條議青陽縣志引樂陵縣志

何鳴謙字寅恭青陽拔貢知蓬萊縣禮士愛民折獄明敏發粟

救災不俟報可升沁州知州屢署府篆後補吉州查辦丁田歸

一之案悉心裁酌以勞卒官池州府志

吳翹字羽堯青陽人雍正時由孝廉方正授刑部四川司主事

凡蜀中疑獄悉力參酌秩滿告歸池州府志

何天衢字昌馭貴池人雍正時由孝廉方正知南安縣著廉能

聲調天柱適叛苗犯黃平州密邇天柱部署戰守苗知有備而

去以勞卒官池州府志

陳基仁字義先青陽人雍正中官屏山縣典史捐資修學闢黑

字路設馮陳渡創馬湖船又隨烏蒙軍營以勞動加銜子廷貴

官宣化典史得民心升沙城巡檢祀名宦池州府志

李幹齡字成侯建德人雍正丁未進士授廬州府教授訓課約

束士風丕變詳陳河務及郡中積習學宮規條上游獎許歲饑

委賑條理周密民沾實惠池州府志



沈亮字若采石埭人由歲貢任含山教諭以培植人材爲己任  
鼎新學宮歲饑佐賑務步行村落與飢民雜處全活無算疫死  
者爲之棺斂升甯國府教授含山祀之名宦池州府志

江周開字宗聖青陽舉人知樂安縣愛士勸農有循聲同邑王  
大任字事舟以舉人知宣平縣後補壽張稱廉明濬河緝盜具  
見擘畫池州府志

徐名標字天錫青陽人官永昌典史有大吏掾來邑虐民懲之  
以法大吏躓之以捕盜功升江都知縣時理賑務流民畢集計  
口給糧至明年仲春飢口轉增名標謂民應歸農議預支十日  
糧爲歸計遂散去及令丹徒京江湖齧岸崩沿江民多死喪詳  
請賑卹並請沙田之坍漲者豁其稅歷升松江知府以滇南軍  
務需人往署廣南鶴慶府知府參贊軍儲且多惠政民夷安之

池州府志

柳世恩字南池石埭人官濟陽典史襍被赴官一僕隨之布袍  
蔬食毫不私取委查登充庫帑清釐無隱不許不私升卽墨主  
簿歲旱悉力辦賑多所全活又升淇縣丞督濬河道亦著成績  
每一移任百姓如失所依在充時力白一僚友之誣後家居其  
人來訪以百金爲壽固卻之曰白冤公也報謝私也池州府志  
吳灑字鴻聲青陽人以薦授州同知署全州判代理州事善折  
獄後署陽湖知縣乾隆二十二年

上南巡恪共差委引

見行在賞賚有加一時榮之池州府志

桂應坤字鏡臺貴池人由部掾爲九江西安幕官攝邑篆善折  
獄獲鄱陽湖逋盜以敏幹稱池州府志



章孫虔貴池貢生授英山縣訓導新學校卹寒峻課士衡文不異家塾同邑朱應敬以貢授潛山訓導實心造士尤卹寒峻門人貧不能娶者助之又捐俸修學宮文星閣清學湖塢士民懷之池州府志

杜宗鶴貴池歲貢知高要縣靖亂安民興學平獄甚有政聲同

邑杜蘭以舉人歷知新都綦江二縣乾隆初升縣州知州調霸

州督理營田兵餉清理河道著有勞績貴池縣志

杜最字軍上貴池人以教習歷知祿豐甯洱知縣潔己愛民升

行人署普洱府事護鎮守雲南普思沅威等處總兵印乾隆間

遷普洱府分防思茅同知所至並有循聲貴池縣志

葉天奇字喬宇貴池人援例授黔江主簿攝縣事歲饑先捐資

以濟隨請發賑有士人兄弟爭產者召之令讀棠棣詩相顧愧

悔又請大吏奏免積欠數萬士民德之以病歸送者遮道貴池縣志

曹麟開字黼我貴池人乾隆閒由選貢舉人充景山教習知黃

梅縣懲猾吏鋤刁健嚴江防善決疑滯案無畱牘暇則與士人

講學賦詩升正安州知州旋以黃梅任內好士失察謫戍庭州

襄勇伯明亮延為記室請疏天山積水以溉民田民深德之後

明亮征苗匪皆招致戎幕資以運籌以病歸子穀貽以選貢

任臨淮訓導有文名貴池縣志

姜蟠甲字輔堂貴池人以貢授蓬溪縣鹽大使署巴縣丞會金

川不靖委辦軍需敘功歷知中江涪州等事所至俱著循聲後

知銅梁縣卒於官貴池縣志

何文炳字念勳青陽舉人任盱眙教諭奉委查災捕蝗辦賑有

功升甯鄉知縣縣界萬山中多虎患文炳作文禱神虎遠遜又



創書院請增學額士民立祠祀之青陽縣志

鮑鳴鳳青陽人知海鹽縣城河漚塞鳴鳳創議開之越五月而

工竣紳士繪圖以紀其事修海塘開永安湖溉田數千頃眾暨

石曰鮑公隄調臨海臨患山水衝決乃鑿石自青龍頭一帶捐

廉修築臨人刊碑以志不忘青陽縣志

吳名煥字澹圃青陽舉人歷官保德州知州升惠州知府政治

廉明民咸愛戴以老乞歸惠州祀之於惠陽書院配享蘇文忠

青陽縣志

陳憲章青陽人官激浦典史平易近人與民如鄰人亦忘其為

尉也邑創建廬峯書院力為區畫經理實賴以成乞養歸士民

祖者載道立碑紀之青陽縣志引激浦縣志

王懿修字春敷青陽人乾隆丙戌進士改庶吉士授編修直

上書房累升侍講學士遷詹事府少詹引疾歸旋丁內外艱服闋

赴京候補復以病發請假嘉慶元年

高宗純皇帝舉行千叟宴懿修與焉蒙

賜御製詩刻玉杖文綺等物病痊補通政司副使升內閣學士兼禮部

侍郎累擢都察院左都御史晉禮部尚書充

上書房總師傅十四年恭逢

仁宗睿皇帝五旬萬壽慶典加太子少保十八年蒙

恩以原品休致二十年懿修年八十

特賚如意文綺筆墨等件二十一年卒

賜祭葬諡文僖懿修學問優長充會試及順天鄉試同考官各一四任

鄉試主考三任提督學政一充會試正總裁所取文章理醇義

正原本六經無不服其衡鑑青陽縣志



蘇文輔石埭人以貢官晉甯州知州民苦封樹採果之累文輔以樹皆枯報而捐俸代買以供上官升潼川知府所屬鹽亭縣以訪獲邪教報將加除剿私往察之則僅供像誦經無他跡遂稟白其冤杖責遣之治獄不輕用重刑而民自輸服奉調入都以軍需孔迫回任總理糧餉卒於官士民哀泣如喪父母石埭縣志朱鎮字殿邦建德人以優貢教習知蓬萊縣值旱禱雨立應東省祗惟登萊熟議發萬人輓粟移賑鎮力請截漕以濟役得免調治滕開倉賑饑不待報漕渠淤決靡常建閘疏流百姓歌之曰我公之澤靈河流液蓋紀實也以艱歸起攝齊東蝗蟲傷稼前令未報鎮力請得蠲稅十之七及前令回任又以徵漕釀變大府令鎮往民羅拜曰吾父來矣時已補武城民請留一年及去釀五千金爲贖力卻之武城漳衛交衝隄決西南冒雨堵築

買舟救溺設廠煮粥糜急求賑濟加功一等又以艱歸起建德縣志縣僅四十一日決訟二百有餘卒於官滕民聞而聚哭祠祀之

袁燦青陽舉人官海州學正奉委散賑沿戶面給不假胥吏手民沾實惠青陽縣志

陳其名字予聞青陽舉人知平谷縣有善政囹圄空虛蝗不入境辛亥辦理

御道行宮悉從樸素

高宗純皇帝喜其儉約

召見褒嘉蒙

賜宮緞荷包後署昌平州事青陽縣志

徐蔭昌字晴埜建德舉人知延津縣興利革弊以培養爲先務

重修安徵通志卷之九十一人物志官績



延近黃河向來防險運料派設車徭延民苦之蔭昌爲力請獲免聽訟公恕行刑從輕以艱歸起補靈川有廉名多惠政卒於官士民聚哭爲立墮淚碑

建德縣志

張軒字鳳翥建德貢生授成都通判適內江案牘盈積委攝清釐滯獄頓空又值兵興軍需旁午籌辦裕如倡優養良家子悉奪歸其父母遇旱步禱輒應攝雜谷理番同知番性獷悍爲立鄉校捐膏火馴以教澤俗漸轉移會檄調番兵譁然震恐軒召集土司懇切開導厚給糧餉始定尋知潼川盜結鹽匪滋事嚴保甲練義勇萑苻解散所至學宮書院橋梁道路無不修葺以艱歸卒於家

建德縣志

王恭修字春晚青陽人官鳳翔縣丞歷署縣事在渭南擒賊首高均德黨翼竄散在大荔修建學宮文昌殿立義學以修文教

在涇陽設粥廠以濟災黎修龍洞渠以資灌溉升商州知州卒

於官

青陽縣志

鮑振飛字鷺江青陽人知桃源縣嘉慶初湖北軍營需米甚急遠取於江東諸邑時振飛奉委稽查賊匪於漢口見米艘數十號遂率商解赴營前軍餉頓裕卽擢武岡州知州升慶遠同知署潯州府事

青陽縣志

徐大受字小峯青陽貢生授巡檢署板閘司獲逃犯數人保舉河工効用工竣會鹽城火災奉委查賑沿戶親給無濫無漏後知平谷縣署易州州同以病歸卒於家

青陽縣志

李英號鍾山石埭人嘉慶十四年知桃源縣邑有漳江書院廢且百年英捐俸修建於縣治之西名曰沅南鎮江渡險惡溺人捐金倡造長舸十二置義田爲歲修費行旅便之呼爲李公渡



以弟建昌少尹芳卒哀泣成疾未幾亦卒

石埭縣志以上舊志

袁世信字焯齋青陽舉人以明通榜歷任廣西岑溪荔浦修仁

知縣興學勸農善政多著犛人感化猛虎出境調署永安州卒

士民醵金歸其櫬

青陽縣志以下新修

王宗誠字蓮府青陽人尙書懿修子乾隆庚戌一甲三名進士

授編修歷官禮部工部侍郎工部尙書終兵部尙書兼順天府

尹皆能舉其職歷任河南山東江西學政優賢愛士然遇弊必

發不稍受私謁道光八年回疆戡定

宣廟御午門受俘宗誠以兵部尙書循例組縛逆酋以獻禮成得越等

褒賞十七年卒奉有清勤端謹克盡厥職之

諭賜祭葬如例

國史有傳宗誠既早取甲科歷任清要父子同朝極優渥之遇又

屢典鄉會試門下士多顯貴而謙牧自處未嘗一出言舉足失

先於人著有紅杏山莊集四十卷

程恩澤遺集先正事略青陽縣志

朱敦純字耀如建德人乾隆壬子副貢任桐城教諭升知縣歷

官山東陝西福建其在陝西商南也河南盧氏賊掠及縣境團

鄉兵固守得免荼毒歲早奸民滋事按誅其魁倡捐助賑共萬

二千六百餘金戶查口給實惠及民事竣優敘在孝義有匪徒

煽亂剿平之並撫卹難民事聞

諭曰邪教糾黨焚掠甫經起事卽被地方官弁兵民協力擒拏一二日

開辦理淨盡所保全者不可勝計殊爲可嘉等因卓異加級候升在

西鄉遇冰雹災捐錢撫卹在福建尤溪修朱子祠葺學宮除一

切陋規生平折獄精敏慮囚矜慎尤嘉惠於士林

建德縣志

章廷鈞字澄溪銅陵舉人乾隆中官四川隆昌知縣焚淫祠誅



巨盜興學勸農修城捕蝗類多實政銅陵縣志

周悌字敬亭建德人嘉慶己未進士任山西鄉甯知縣裁汰陋

規獄無留牘有周青天之稱署曲沃疏決城濠升汾州府同知

卒官貧難歸櫬遂葬汾州祀名宦建德縣志

方熙字友山石埭人嘉慶中官山東布經辦館陶軍需善後出

力以應升之缺升用道光初獲鹽梟胡大成等二十九人於江

南海州兩江總督孫玉庭奏保知州升用署夏津知縣補平度

州知州在任七年政簡刑清憂歸起選山西渾源州知州四載

蝗不入境時東三府水災平度尤甚熙念舊治捐廉千金解東

備賑事聞優敘升山東青州府同知調武定濟南皆有政聲年

六十卒官石埭縣志章朝敕字菊人銅陵人道光壬午進士官奉天海城知縣建義

倉調承德縣平反冤獄升遼陽知州振興學校岫巖廳災賑不

中程民弗靖檄發卒捕治朝敕請獨往懲不逞數人檢冊按戶

剔浮冒出隱漏監放錢粟吏不能奸民大悅銅陵縣志

施濟字泉門原名梓誥青陽拔貢任湖南澧州州判捐賑水災

署新田知縣蝗不入境道光二十九年李沅發圍城濟率勇擊

卻之生擒逆酋加同知銜補零陵知縣開塾課士輿誦翕然青陽縣志

桂超萬字丹盟貴池人非經濟之書不讀非忠孝之事不言由

舉人任穎上英山教諭定騎月法晦朔連課士多便之生童緣

事罷考剴諭之悅服就試道光癸巳成進士用直隸知縣親老

改江蘇過丹陽訶知糧船滋事告縣預防事乃定署陽湖雪丹

徒貞婦趙王氏冤以防盜事宜上書大吏十五年補荆溪父憂



重修安海通志 卷一百九十一  
歸起補直隸樂城除盜賊懲訟師濬浹河金水河城河通溝洫  
平道塗教民種樹均徭役修書院立義學創硃問墨供法製更  
鋪傳籤牌化導鄉民毋習邪教有飛蟲食蝗之異署豐潤清積  
案二百餘起勸辦鄉團募漁戶教習打鴨鎗防黑沿子澗河兩  
海口親王僧格林沁按閱以豐潤團練爲各海口第一優獎之  
後粵匪林開芳等竄天津知縣謝子澄以打鴨鎗破之用超萬  
遺法也歷經保薦洊升揚州府知府身率儉約胥吏無衣帛教  
廠營兵毋博婦女毋遊觀修學勸農訟至立決民歌頌之有重  
見包公語調蘇州府署蘇松糧道請定均戶新章革包漕浮收  
需索諸弊拏辦昭文縣聚眾重案解散黨與經理得宜歲稔請  
毋徵全漕升福建汀漳龍道作何苦來歌以化械鬪勸營縣和  
衷軍民相衛以勤捕息爭病歸超萬歷官謁廟必焚疏自誓不

欺心不枉法果踐斯言同治元年福建巡撫徐宗幹疏稱超萬  
敦樸誠篤實心愛民歷任道府州縣所至皆有政聲臣本籍江  
蘇至今民切去思前兩廣督臣林則徐在江蘇巡撫任內稱爲  
循吏現年逾七旬精力強健所議鄉團條規簡要周密皆可施  
行非徒託空言者比請畱閩協辦團防奉

旨允准二年署福建糧儲道尋署按察使鉅豪雪冤劾貪舉廉鞫獄常  
至日昃盛暑不倦以勞卒官年八十是年總督左宗棠巡撫徐  
宗幹以超萬潔己勤民循聲卓著奏奉

諭旨國史館編入循吏傳六年祀福建名宦祠所著有惇裕堂文養浩

齋詩宦游紀略

史館鈔傳 徐宗幹摺稿 吳廷棟撰誌 貴池縣志

章朝偉字遲峯銅陵人道光十一年官湖北通城知縣先是歲  
饑本年麥又不登米貴且斷市朝偉出官廩穀萬餘石貸民秋



成穀賤如數以償又重建學宮及明倫堂尊經閣文昌宮以工  
代賑銅陵縣志

宋應文字簡菴銅陵進士江西雩都知縣歷署南城南豐清江  
萬安廣昌等縣道光十四年廣昌饑運糴不及發粟接濟捐廉  
賑粥全活多人銅陵縣志

葉桂棻字小山青陽人道光甲辰進士歷任山西翼城鄉甯曲  
沃沁水陽曲知縣潔己奉公所在稱治沁水鹽石聚眾多方開  
導全活甚多升解州知州捻匪犯河干督勇擊退之擢潞安府  
帶勇防捻積勞卒青陽縣志

張大觀字愚谷銅陵人道光乙巳進士江西新昌知縣廉謹聰  
察雪冤理滯聽斷如神捐廉課士精製水器以禦火災民利賴  
之銅陵縣志

章禮筠字少青銅陵人道光閒官甘肅金縣三次請豁虛糧得  
准奏免擢肅州直隸知州銅陵縣志

張觀福字蔭宇建德人廣西左州吏目咸豐二年監賑龍英州  
卽畱署州同會股匪雷長鼇等陷永康帶勇馳救之三年散賑  
憑祥州卽畱署州判帶勇剿崇善縣馱盧股匪事平卽署馱盧  
巡檢五年廣西太平府陷帶勇馳援旋報肅清保以府經縣丞  
直隸州州判升用六年署崇縣知縣卒官建德縣志

曹藍田字璞山銅陵舉人幼時刲股療母疾咸豐三年大挑教  
職時粵賊犯境集族人保衛鄉里上書當事陳戰守策又請江  
忠源聯江鄂諸軍下攻安慶以紓廬州之急書未達而廬陷七  
年任穎上教諭捻匪龔得結粵賊合圍穎上援絕城危藍田激  
勵士庶同知縣固守六十九日圍解加五品銜選用知縣聞繼







